





重校正唐文粹卷第十三

吳興姚

鉉

纂

詩下總六十六首

樂府辭下

神仙十二

步虛詞十首道士吳筠步虛詞高駢

夢上天元稹

俠少十七

結客少年場盧照鄰邯鄲少年行鄭錫邯鄲少年行高適

少年子李白少年行二首王維少年詞李百藥

少年行張籍少年行崔國輔俠客行元稹

俠客行李白刺年少李賀古遊俠呈軍中諸將崔

青樓曲王昌齡劍客賈島壯士吟孟遲

結韞子李白

行樂十三



楚宮行 張籍

上之回 李白

陽春歌

鼓吹入朝曲

白紵詞三首

冬白紵 元稹

相逢行 李白

古樂府 權德輿

朝來曲 王昌齡

將進酒 李白

將進酒 李賀

追悼

李夫人 白居易

愁苦六

古別離 李端

古別離 孟郊

遊子吟 李益

遊子吟 孟郊

苦熱行 王穀

苦寒吟 孟郊

鳥獸花卉十三

八駿圖 白居易

天馬歌 李白

紫駟馬

驄馬行 杜甫

猛虎行 李白

猛虎行 李賀

白虎行

烏棲曲 李白

烏夜啼

艾如張 李賀

野田黃雀行 李白

採蓮曲 張籍

採蓮曲 李白

古城道路四

石城 鄭谷

沙路曲 李賀

沙堤行 呈裴相公 張籍

洛陽陌 李白

步虛詞十首

道士吳筠

衆仙仰靈範肅駕朝神宗金景相照曜逶迤昇太空七玄已高飛  
火鍊生珠宮餘慶逮天壤平和王道融八威清遊氣十絕舞祥風  
使我躋陽源其來自陰功逍遙太霞上真鑿靡不通

逸轡登紫清元乘邁奔電闔風隔三天俯視猶可見玉闥標敞朗  
瓊林鬱葱蒨自非挺金骨焉得諧夙願真朋何森森合景恣遊宴  
良會忘淹留千齡纒一眇

三宮發明景朗照同鬱儀紛然馳颺效上采空清蕤令我洞金色  
後天耀瓊姿心協太虛靜寒寥竟何思玄中有至樂淡泊終無爲  
但與正真友飄飄散遨嬉



稟化凝正氣鍊形爲真仙忘心符元宗返本爲自然帝一集絳宮  
流光出丹玄元英與桃君朗詠長生篇六府煥明霞百關羅紫煙  
飈車涉寥廓靡靡乘景遷不覺雲路遠斯須遊萬天  
扶桑誕初景羽蓋凌晨霞倏倏造西域嬉遊金母家碧津湛洪源  
灼爍敷荷花煌煌青琳宮璨璨列玉華真氣溢絳府自然思無邪  
俯矜區中士天濁良可嗟

瓊臺劫爲伊孤暎大羅表常有三素雲凝光自飛繞羽童泛明霞  
升降何縹緲鸞鳳吹雅音栖翔絳林壇玉虛無晝夜靈景何皎皎  
一觀太上京方知衆天小

灼灼青華林靈風振瓊柯三光無冬春一氣清且和迴首邇結鄰  
傾眸親曜羅豁落制六天流鈴威百魔絳絲慶不極誰謂椿齡多  
高情無侈靡遇物生華光至樂無簫歌金玉音琅琅或登明眞臺  
宴此羽景堂香靄結寶雲霏微散靈香天人誠遐曠歡泰不可量  
爰從太微上肆覲虛皇尊騰我八景輿威遲入天門旣登玉宸庭

蕭蕭何紫軒敢問龍漢末如何闢乾坤怡然輟雲璈告我希夷言  
幸聞至精理方見造化源

二氣播萬有化機無停輪而我操其端乃能出陶鈞寥寥大漠上  
所遇皆清真登瑩含元和氣同自相親絳樹結丹實紫霞流碧津  
以茲保童嬰永用超形神

步虛詞

高駢

青溪道士人不識上天下天鶴一隻洞門深鎖碧牕寒滴露研朱  
點周易

夢上天

元稹

夢上高高天高高蒼蒼高不極下視五嶽塊纍纍仰天依舊蒼蒼  
色躡雲登身身更上攀天下天攀未得西瞻若木免輪奐東望蟠  
桃海波黑日月之光不到此非暗非明煙塞塞天悠地遠身跨風  
下無階梯上無力來時畏有他人上截斷龍胡斬鵬翼茫茫漫漫  
方自悲哭向青雲指音素臆哭聲厭咽旁人惡喚起驚悲淚飄露



千慚萬謝喚厭人向使無君終不寤

結客少年場

盧照鄰

長安重遊俠洛陽富才雄玉劔浮雲騎金鞭明月弓鬪雞通渭北  
走馬向關東孫賓遙見待郭解暗相通不受千金爵誰論萬里功  
將軍下天上虜騎入雲中烽火夜似月兵氣曉成虹橫行徇知己  
負羽遠征戎龍旌昏朔霧鳥陣卷寒風追奔瀚海咽戰罷陰山空  
歸來謝天子何如馬上翁

邯鄲少年行

鄭錫

霞鞍金口騮豹袖紫貂裘家住叢臺下門前漳水流喚人呈楚舞  
借客試吳鉤見說秦兵至甘心赴國讎

邯鄲少年行

高適

邯鄲城西遊俠子自言生長邯鄲裏千場縱博家仍富數處報讎  
才不死宅中歌笑日紛紛門外車馬長如雲未知肝膽向誰是令  
人却憶平原君君不見今交態薄黃金用盡還疎索以茲感歎辭

舊遊更於時事無所求且與少年飲美酒往來射獵西山頭

少年子

李白

青雲少年子挾禪章臺左鞍馬四邊開突如流星過金丸落飛鳥  
夜入瓊樓卧夷齊是何人獨守西山餓

少年行二首

王維

新豐美酒斗十千咸陽遊俠多少少年相逢意氣爲君飲繫馬高樓  
垂柳邊

漢家君臣歡宴終高議雲臺論戰功天子臨軒賜侯印將軍佩出  
明光宮

少年詞

李百藥

始酌文君酒新吹弄玉簫少年不歡樂何以盡芳朝千金笑裏面  
一榻掌中腰掛冠豈憚宿迎拜不勝嬌寄語少年子無辭歸路遙

少年行

張籍

少年從出獵長楊禁中新拜羽林郎獨到輦前射雙虎君王手賜



黃金瑤日日關雞都市裏贏得寶刀重刻字百里報讎夜出城平  
明還在倡樓醉遙聞虜到平陵下不待詔書行上馬斬得名王獻  
桂宮封侯起第一日中不爲六郡良家子百戰始取邊城功

少年行

崔國輔

遺却珊瑚鞭白馬驕不行章臺折楊柳春草路傍情

俠客行

元稹

俠客不怕死怕在事不成事成不肯藏姓名我非竊賊誰夜行白  
日堂堂殺袁盎九衢草草人面青此客此心歸海鯨海鯨露背橫  
滄溟海波分作兩處生分海減力俠客有謀人莫測三尺鐵蛇延  
二國

俠客行

李白

趙家縵胡纓吳鉤霜雪明銀鞍照白馬颯沓如流星十步殺一人  
千里不留行事了拂衣去深藏身與名閑過信陵飲脫劍膝上橫  
將炙啖朱亥持觴勸侯嬴三盃吐然諾五嶽倒爲輕眼花耳熱後

意氣素虬生救趙揮金鎚邯鄲先震驚千秋二壯士烜赫大梁城  
縱死俠骨香不慚世上英誰能書閣下白首太玄經

刺年少

李賀

青驄馬肥金鞍光龍腦入縷羅衫香美人狎坐飛瓊觴貧人喚云  
天上郎別起高樓連碧篠絲曳紅鱗出深沼有時半醉百花前背  
把金丸落飛鳥自說生來未爲客一身美妾過三百豈知斲地種  
田家官稅頻催没人識長金積玉誇豪毅每揖閑人多意氣生來  
不讀半行書祇把黃金買身貴少年安得長少年海波尚變爲桑  
田枯榮迺傳急如箭天公不肯於君偏莫道韶華鎮長在白頭面  
皺專相待

古遊俠呈軍中諸將

崔顥

少年負膽氣好勇復知幾杖劒出門去孤城逢合圍殺人遼水上  
走馬漁陽歸錯落金鎖甲蒙茸貂鼠衣還家且行獵弓矢速如飛  
地迥鷹犬疾草深狐兔肥腰間帶兩綬轉眄生光輝顧謂今日戰



何如隨建威

青樓曲

王昌齡

白馬金鞍從武皇，旌旗十萬宿長楊。  
樓頭小婦鳴箏坐，遙見飛塵入建章。  
馳道楊花滿御溝，紅粧繡綰上青樓。  
金章紫綬千餘騎，夫壻朝迴初拜侯。

劍客

賈島

十年磨一劍，霜刃未曾試。  
今日把似君，誰有不平事。

壯士吟

孟遲

壯士何曾悲，悲即無迴期。  
如何易水上，未歌先淚垂。

結襪子

李白

燕南壯士吳門豪，筑中置鈔魚隱刀。  
感君恩重許君命，太山一擲輕鴻毛。

楚宮行

張籍

章華宮中九月時，桂花半落紅橘垂。  
江頭騎火照輦道，君王夜從

雲夢歸霓旌，鳳蓋到雙闕。  
臺上重重歌吹發，千門萬戶開相當。  
燭籠左右列成行，下簾更衣入洞房。  
洞房侍女盡焚香，上階羅幕微有霜。  
齊言此夕樂未央，玉酒湛湛盈華觴。  
絲竹次第鳴，中堂巴姬起舞，舞向君王迴。  
身垂手結明璫，願君千年萬年壽，朝出射麋夜飲酒。

上之回

李白

三十六離宮樓臺與天通，閣道步行月美人。  
愁煙空思踈，寵不及桃李傷春風。  
淫樂意何極，金輿向回中。  
萬乘出黃道，千旗揚彩虹。  
前軍細柳北，後涉甘泉東。  
豈問渭川老，寧邀襄野童。  
秋暮瑤池宴，歸來樂未窮。

陽春歌

長安白日照春空，綠楊結煙垂裊風。  
披香殿前花始紅，流芳發色繡戶中。  
繡戶中，繡戶中，相經過，飛燕皇后輕身舞。  
紫宮夫人絕世歌，聖君三萬六千日，歲歲年年柰樂何。



鼓吹入朝曲

金陵控海浦，淶水帶吳京。鏡歌列騎吹，颯沓列公卿。搥鍾速嚴維，伐鼓啓重城。天子憑玉案，劍履若雲行。日出照萬戶，警柝爛明星。朝罷沐浴閑，遨遊閨風亭。濟濟雙闕下，歡娛樂恩榮。

白紵詞三首

揚清音發皓齒，北方佳人東鄰子。且吟白紵停淶水，長袖拂面爲君起。寒雲夜卷霜海空，胡風吹天飄塞鴻。玉顏滿堂樂未終，館娃日落歌塵蒙。

月寒江清夜，沉沉美人一。笑千黃金垂羅舞，毅揚哀音。郢中白雪且莫吟，子夜吳歌動君心。動君心，翼君賞，願作天池雙鸞鴛。一朝飛去綠雲上。

吳刀翦綵縫舞衣，明粧麗服奪春輝。揚眉轉袖若雪飛，傾城獨立世所稀。激楚結風醉忘歸，高堂月落燭已微。玉釵挂纓君莫違。

冬白紵

元稹

吳宮夜長宮漏款，簾幕四垂燈焰暖。西施自舞王自管，雪紵翻翻鶴翎散。擊促節牽繁舞，腰軟舞腰軟。王罷飲，蓋覆西施鳳花錦。身作牀臂爲枕，朝珮縱縱王晏寢。醒來閣門報無事，子胥死後言爲諱。近王之臣諭王意，共笑越王窮惴惴。夜夜抱冰寒不睡。

相逢行

李白

朝騎五花馬，謁帝出銀臺。秀色誰家子，雲車珠箔開。夾轂相借問，知從天上來。邀入青綺門，當歌共銜盃。盃映歌扇似月雲中見，相見不得親。不如不相見，相見情已深。未語可知心，胡爲返空閨。孤眠愁錦衾，錦衾與羅帷。纏綿會有時，春風正澹蕩。暮雨來何遲，後因三春鳥更報長相思。

古樂府

權德輿

光風澹蕩百花吐，樓上朝朝學歌舞。身年二八壻侍中，幼妹承恩兄尚主。綠窻珠箔繡鴛鴦，侍婢先焚百和香。鸞啼日出不知曙，寂寂羅幃春夢長。



朝來曲

王昌齡

月是鳴珂動花連繡戶春盤龍玉臺鏡唯待畫眉人

將進酒

李白

君不見黃河之水天上來奔流到海不復迴君不見高堂明鏡悲  
白髮朝如青絲暮如雪人生得意須盡歡莫使金樽空對月天生  
我材必有用千金散盡還復來烹羊宰牛且爲樂會須一飲三百  
盃岑夫子丹丘生與君歌一曲請君爲我聽鍾鼎玉帛不足貴但  
願長醉不願醒古來賢達皆寂寞惟有飲者留其名陳王昔時宴  
平樂斗酒十千恣歡謔主人何爲言少錢且須沽酒對君酌五花  
馬千金裘呼兒將出換美酒與爾同銷萬古愁

將進酒

李賀

瑤璃鍾琥珀濃小槽酒滴真珠紅烹龍炮鳳玉脂泣羅幃翠幕圍  
春風吹龍笛擊鼉鼓皓齒歌細腰舞況是青春日將暮桃花亂落  
如紅雨勸君終日酌酩酊歸酒不到劉伶墳上土

李夫人

白居易

漢武帝初喪李夫人夫人病時不肯別死後留得生前恩君恩不  
盡念未已甘泉殿裏令寫真丹青畫出竟何益不言不笑愁殺人  
又令方士合靈藥玉釜煎煉金爐焚九華帳深夜悄悄反魂香降  
夫人魂夫人之魂在何許香煙引到焚香處既來何苦不須更縹  
緲悠悠還滅去去何速兮來何遲是耶非耶兩不知翠蛾鬢髻平  
生貌不似昭陽寢疾時魂之不來君心苦魂之來兮君亦悲背燈  
隔帳不得語安用暫來還見違傷心不獨漢武帝自古及今皆若  
斯君不見穆王三日哭重壁臺前傷盛姬又不見秦陵一掬淚馬  
嵬坡下念楊妃縱令妍姿豔質化爲土此恨長在無銷期生亦惑  
死亦惑凡物惑人忘不得人非木石皆有情不如不遇傾城色

古別離

李端

水國葉黃時洞庭霜落夜行舟聞商賈宿在楓林下此地送君還  
茫茫似夢間後期知幾日前路轉多山巫峽通湘浦迢迢隔雲雨



天晴見海檣月落聞津鼓人老自多愁水深難急流清宵歌一曲  
白首對汀洲

古別離

孟郊

松仙雲縹繞萍俗水分離雲去有歸日水分無合時春芳役雙目  
春色柔四支楊柳織別愁千條萬條絲

遊子吟

孟益

女羞夫婿薄客耻主人賤過逢同衆流低迴愧相見君非青銅鏡  
何事空照面莫以衣上塵不謂心如練人生當榮成待士勿言倦  
君看白日晚不異弦上箭

遊子吟

孟郊

慈母手中線遊子身上衣臨行密密縫意恐遲遲歸誰言寸草心  
報得三春暉

苦熱行

王勣

祝融南來鞭火龍火旗焰焰燒天紅日輪當午疑不去萬國如在

洪爐中五嶽翠乾雲彩滅陽侯海底愁波竭何當一夕金風發  
我掃却天下熱

苦寒吟

孟郊

天色寒青蒼北風叫枯桑厚冰無裂文短日有冷光敲石不得火  
壯陰奪正陽苦調更何言久吟成此章

八駿圖

白居易

穆王八駿天馬駒後人愛之寫爲圖背如龍兮頸如象骨竦筋高  
脂肉壯日行萬里疾如飛穆王獨乘何所之四荒八極踴欲徧三  
十二蹄無歇時屬車軸折赴不及黃屋草生棄若遺瑤池西赴王  
母宴七廟經年不親薦璧臺南與盛姬遊明堂不復朝諸侯白雲  
黃竹歌聲動一人荒樂萬人愁周從后稷到文武積德累功世勤  
苦豈知纒及四代孫心輕王業如灰土由來尤物不在大能蕩君  
心即爲害文帝却之不肯乘千里馬去漢道興穆王得之不爲戒  
八駿駒來周室壞至今此物世稱珍不知房星之精下爲怪八駿



圖君莫愛

天馬歌

李白

天馬來出月氏窟，昔爲虎文龍翼骨。嘶青雲，振綠髮，蘭筋權奇走滅沒。騰崑崙，歷西極，四足無一蹶。雞鳴刷燕晡，秣越神行電邁躡。恍惚天馬呼飛龍，趨目明長庚臆。雙鳧尾如流星首，渴烏口噴紅光汗。溝珠曾陪時龍躍，天衢羈金絡。日照皇都逸氣稜稜凌九區，白壁如山誰敢沾。迴頭笑紫燕，但覺爾輩愚。天馬奔戀君，軒駮躍驚矯。浮雲翻萬里，足躑躅。遙瞻閭闔門，不逢寒風子。誰採逸景孫，白雲在青天。丘陵遠崔嵬，鹽車上峻坂。倒行逆施畏日晚，伯樂翦拂中道遺。少盡其力老棄之，願逢田子方。惻然爲我悲，雖有玉山禾不能療。苦飢嚴霜五月凋，桂枝伏櫪銜冤摧。兩眉請君贖，獻穆天子猶堪弄影舞瑤池。

紫騮馬

紫騮行且嘶，雙鬣碧玉蹄。臨流不肯渡，似惜錦障泥。白雪關山遠

黃雲海樹迷，揮鞭萬里去。安得念春閨

驄馬行

杜甫

鄧公馬癖人共知，初得花驄大宛種。夙昔傳聞思一見，牽來左右神皆竦。雄姿逸態何嶄嶄，顧影驕嘶自矜寵。兩目清熒夾鏡懸，肉騾礮礮連錢動。朝來久試華軒下，未覺千金滿高價。赤汗微生白雪毛，銀鞍却覆香羅帕。卿家舊賜公取之，天廐真龍此其亞。晝洗須騰涇渭深，夕趨可刷幽并夜。吾聞良驥老始成，此馬數年人更驚。豈有四蹄疾於鳥，不與八駿俱先鳴。時俗造次那得致，雲霧晦冥方降精。近聞下詔喧都邑，肯使騏驎地上行。

猛虎行

李白

朝作猛虎行，暮作猛虎吟。腸斷非關隴頭水，淚下不爲雍門琴。旌纒紛兩河道，戰鼓驚山欲傾倒。秦人半作燕地囚，胡馬翻銜洛陽草。一輸一失關下兵，朝降夕叛幽薊城。巨鼉未斬海水動，魚龍奔走安得寧。頗似楚漢時，翻覆無定止。朝過博浪沙，暮入淮陰市。



張良未遇韓信貧劉項存亡在兩臣暫到下邳受兵略來投漂母  
作主人賢哲栖栖古如此今時亦棄青雲士有策不敢犯龍鱗竄  
身南國避胡塵寶書長劍挂高閣金鞍駿馬散故人昨日方爲宣  
城客掣鈴交通二千石有時六博快壯心遶牀三市呼一擲楚人  
每道張旭奇心藏風雲世莫知三吳邦伯皆顧盼四海雄俠兩追  
隨蕭曹曾作沛中吏攀龍附鳳當有時溧陽酒樓三月春楊花茫  
茫愁殺人胡人綠眼吹玉笛吳歌白紵飛梁塵丈夫相見且爲樂  
槌牛搗鼓會衆賓我從此去釣東海得魚笑寄情相親

猛虎行

李賀

長戈莫春疆弩莫抨乳孫哺子教得生獍舉頭爲城掉尾爲旌東  
海黃公愁見夜行道逢騶虞牛哀不平何用尺刀壁上雷鳴泰山  
之下婦人哭聲官家有程吏不敢聽

白虎行

火烏日暗崩騰雲秦皇虎視蒼生羣燒書滅國無暇日鑄劍佩珙

軍王壇設醮思沖天一世二世當萬年燒丹未得不死藥拏  
舟海上尋神仙鯨魚張鬣海波沸耕人半作征人鬼雄豪氣猛如  
酸煙無人爲决天河水誰最苦兮誰最苦報人義士深相許漸離  
擊筑荆卿歌荆卿把酒燕丹語劍如霜兮膽如鐵出燕城兮望秦  
月天授秦風祚未終袞龍衣點荆卿血朱旗卓地白蛇死漢皇却  
是真天子

烏棲曲

李白

姑蘇臺上烏棲時吳王宮裏醉西施吳歌楚舞歡未畢青山猶銜  
半邊日銀箭金壺漏水多起看秋月墜江波東方漸高柰爾何

烏夜啼

黃雲城邊烏欲棲歸飛啞啞枝上啼機中織錦秦川女碧紗如煙  
隔窻語停梭悵然憶遠人獨宿孤房淚如雨

艾如張

李賀

錦檐榆繡檔櫺彊彊豕食哺爾鷓鴣東卧穉蒲風雨莫逐良媒壟



西去齊人織網如素空張在野田平碧中網絲漠漠無形影誤爾  
繩之傷首紅艾葉綠花誰翦刻中藏禍機不可識

野田黃雀行

李白

遊莫逐炎洲翠樓莫近吳宮燕炎洲逐翠遭網羅吳宮火起焚爾  
巢蕭條兩翅蓬蒿下縱有鷹鷂奈爾何

採蓮曲

張籍

秋江岸邊蓮子多採蓮女兒凭船歌青房圓實齊戢戢爭前競折  
漾微波試索綠莖不尋藕斷處絲多刺傷手白練束腰袖半卷不  
插玉釵粧梳淺船中未滿渡前洲借問阿誰家住遠歸時共待暮  
潮上自弄芙蓉還蕩槳

採蓮曲

李白

若耶溪傍採蓮女笑隔荷花共人語日照新粧水底明風飄香袖  
空中舉岸上誰家遊冶郎三三五五映垂楊紫駟嘶入落花去見  
此踟躕空斷腸

石城

鄭谷

石城昔為莫愁鄉莫愁魂散石城荒江人依舊棹舴艋江岸遠飛  
鷺驚帆去帆來風浩渺花開花謝春悲涼煙濃草遠望不盡千  
古漢陽關夕陽

沙路曲

李賀

柳陰半眠丞相樹珮馬玎玲躡沙路斷燼遺香裊翠煙獨騎鳴蹄  
上天去帝家玉龍縱九關帝前簪笏稱南山獨垂重印押千官金  
科篆字紅屈盤沙路歸來聞好語旱火不光天下雨

沙隄行呈裴相公

張籍

長安大道沙為隄旱風無塵暖無泥宮中玉漏下三刻朱衣導騎  
丞相來路傍高樓息歌吹千車不行行者避街官閭吏相傳呼官  
前十里唯空衢白麻詔下移相印新隄未成舊隄盡

洛陽陌

李白

白玉誰家郎迴車渡天津看花東陌上驚動洛陽人



重校正唐文粹卷第十四之上

吳興姚

鉉

纂

詩戊揔六十四首

古調歌篇一

古風

古風十一首 李白 古意三首 王績 覽古十四首 道士吳筠

古意二首 賀蘭進明 古意九首 釋貫休 詠古 李涉

感古三首 盧仝 古意 賈島 效古 釋皎然

古興 呂溫 諷古二首 劉禹錫 續古詩十首 白居易

古意贈補闕 孟郊 古意二首 祖詠 古意 陸龜蒙

古意 李白 古興 權德輿

古風十一首

李白

大雅久不作 吾衰竟誰陳 王風委蔓草 戰國多荆榛 龍虎相啖食 兵戈逮狂秦 正聲何微茫 哀怨起騷人 揚馬激頽波 開流蕩無垠



廢興雖萬變憲章亦已淪自從建安來綺麗不足珍聖代復元古  
垂衣貴清貞羣才屬休明乘運共躍鱗文質相炳煥衆星羅秋昊  
我志在刪述垂輝映千春希聖如有立絕筆於獲麟

咸陽二三月宮柳黃金枝綠幘誰家子賣珠輕薄兒日暮醉酒歸  
白馬驕且馳意氣人所仰冶遊方及時子雲不曉事晚獻長楊辭  
賦達身已老草玄鬢若絲投閣良可歎但爲此輩嗤

莊周夢胡蝶胡蝶爲莊周一體更變易萬事良悠悠乃知蓬萊水  
復作清淺流青門種瓜人舊日東陵侯富貴故如此營營何所求  
齊有侗儻生魯連特高妙明月出海底一夕開光耀却秦振英聲  
後世仰末照意輕千金贈顧向平原笑吾亦澹蕩人拂衣可同調  
黃河走東溟白日落西海逝川與流光飄忽不相待春容捨我去  
秋髮已衰改人生非寒松年貌豈長在五當乘雲螭吸景駐光彩  
胡關饒風沙蕭索竟終古木落秋草黃登高望戎虜荒城空大漠  
邊邑無遺堵白骨橫千霜嗟峨蔽榛莽借問誰凌虐天驕毒威武

赫怒我聖皇勞師事鞞鼓陽和變殺氣發卒騷中上三十六萬人  
哀哀淚如雨且悲就行役安得營農圃不見征戍兒豈知關山苦  
李牧今不存邊人飼豺虎

燕昭延郭隗遂築黃金臺劇辛方趙至鄒衍復齊來奈何青雲士  
棄我如塵埃珠玉買歌笑糟糠養賢才方知黃鵠舉千里獨徘徊  
天津三月時千門桃與李朝爲斷腸花暮逐東流水前水復後水  
古今相續流新人非舊人年年橋上游雞鳴海色動謁帝羅公侯  
月落西上陽餘輝半城樓衣冠照雲日朝下散皇州鞍馬如飛龍  
黃金絡馬頭行人皆辟易志氣橫嵩丘入門上高堂列鼎錯珍羞  
香風引趙舞清管隨齊謳七十紫鴛鴦雙雙戲庭幽行樂爭晝夜  
自言度千秋功成身不退自古多愆尤黃犬空歎息綠珠成鸞雛  
何如鷓鴣子散髮掉扁舟

郢客吟白雪遺響飛青天徒勞歌此曲舉世誰爲傳試爲巴人唱  
和者乃數千吞聲何足道歎息空悽然



燕趙有秀色綺樓青雲端眉目豔皎月一笑傾城歡常恐碧草晚  
坐泣秋風寒纖手怨玉琴清晨起長歎焉得偶君子共成雙飛鸞  
美人出南國灼灼芙蓉姿皓齒終不發芳心空自持猶來紫宮女  
共妬青蛾眉歸去瀟湘沚沉吟何足悲

古意三首

王績

幽人在何所紫巖有仙躅月夜橫寶琴此外將安欲材抽嶧山榦  
徽點崑丘玉漆抱蛟龍脣絲纏鳳凰足前彈廣陵罷後以明光續  
百金買一聲千金傳一曲世無鍾子期誰知心所屬  
桂樹何蒼蒼秋來花更芳自言歲寒性不知露與霜幽人重其德  
徙植臨前堂連攀八九樹偃蹇二三行枝枝自相糾葉葉還相當  
去來雙鴻鵠栖息兩鴛鴦榮蔭誠不厚斤斧亦勿傷赤心許君時  
此意那可忘

彩鳳欲將歸提羅出郊訪羅張大澤已鳳入重雲颺朝栖崑閬木  
夕飲蓬壺漲問鳳那遠飛賢君坐相望鳳言何深德微禽安足尚

但使鷄卵全無令矰繳放皇臣力牧舉帝樂簫韶暢自有來巢時  
明年阿閣上

覽古十四首

道士吳筠

聖人重周濟明道欲救時孔席不暇暖墨突何嘗緇興言振頽綱  
將以有所維君臣恣淫惑風俗日凋衰三代業遽隕七雄遂交馳  
庶物墜塗炭區中若焚絲秦皇燎儒術方冊靡孑遺大漢歷五葉  
斯文復崇推乃驗經籍道與世同屯夷施張固天意設教安能持  
興亡道之運否泰理所全奈何淳古風旣往不復旋三皇已散朴  
五帝初尚賢王業與霸功浮僞日以宣忠誠及狙詐殺混安可甄  
餘智入九霄守愚淪重泉永懷巢居時感涕徒泫然

棟宇代巢穴其來自三皇跡生固爲累經始增百王瑤臺旣滅夏  
瓊室復隕湯覆車世不悟秦氏興阿房繼踵迷反正漢家崇建章  
力役弊萬人瓌竒殫八方徇志仍未極促齡已云亡侈靡竟何在  
荆榛生廟堂



閑居覽前載側彼商與秦所殘必忠良所寶皆兇囂昵諛方自聖  
不悟禍滅身箕子作周輔孫通爲漢臣洪範及禮儀後王用經綸  
吾觀采苓什復感青蠅詩讒佞亂忠孝古今同所悲姦邪起譖猾  
骨肉相殘夷漢儲殞江充晉嗣滅驪姬天性猶可間君臣固其宜  
子胥烹吳鼎文種斷越鉞屈原沉湘流厥感戚自貽何不若范蠡  
扁舟無還期

嘗稽真仙道清寂祛衆煩秦皇及漢武焉得遊其藩情擾萬機屑  
位驕四海尊既欲先宇宙仍規後乾坤崇高與久遠物莫能兩存  
矧乃恣所欲荒淫伐靈根金膏特延期玉色復動蒐征戰窮外域  
殺傷被中原天鑒諒難誣神理不可讓安期返蓬萊王母還崑崙  
異術終莫告悲哉竟何言

魯侯祈正術尼父從棄捐漢主思英才賈生被排遷始皇重韓子  
及覩乃不全武帝愛相如既徵復忘賢貴遠世咸爾賤今理共然  
方知古來主難以効當年

食其昔未偶落魄爲狂生一朝君臣契雄辯何縱橫運籌康漢業  
憑軾下齊城旣以智所達還爲智所烹豈若終殘貧酣歌本無營  
晁錯抱遠策爲君納良規削彼諸侯權永用得所宜姦臣負舊隙  
乘釁謀相危世主竟不辨身戮宗且夷漢景稱欽明濫罰猶如斯  
比干與龍逢殘害何足悲

絳侯成大績賞厚位仍尊一朝對獄吏榮辱安可論蘇生佩六印  
弈弈爲殃源主父食五鼎昭昭成禍根李斯佐二辟巨釁鍾其門  
霍孟翼三后伊戚及後昆天人忌盈滿茲理固永存方知得意者  
何必乘朱輪滅景栖遠壑弦歌對清罇二踈返濱海蔣詡歸林園  
蕭灑去物累此謀誠足敦

至人頓通塞委命固無疵吾觀太史公可謂識道規留滯焉足憤  
感懷殄生涯吾歎龔夫子秉義確不移晦跡一何晚天年天當時  
薰膏自銷鑠楚老空餘悲

達者貴量力至人尚知幾京房洞幽贊神奧咸發揮如何嫉元惡



不悟禍所歸謀物闇謀已誰言爾精微

玄元明知止大雅尚保躬茂先洽聞者幽蹟咸該通弱年賦鶴鶴可謂達養蒙晚節希鸞鶴長飛戾曾穹知進不知退遂令其道窮伊昔辨福初胡爲迷禍終方驗嘉遁客求貞天壤同

聖人垂大訓異義不苟設天道歿頑兇神明祐懿哲斯言猶影響安得復迴冗絲睽誕英睿唐虞育昏孽盜跖何延期顏生乃短折魯隱全克讓禍機遂潛結楚穆肆巨逆福柄奚赫烈田常弑其主祚國久罔缺管仲存霸功世祖成詭說漢氏方版蕩羣闇恣邪譎蹇蹇陳蕃徒孜孜抗忠節誓期區宇靜爰使兇醜絕謀協事靡從俄而反誅滅古來若茲類紛擾難盡列道還理微茫誰爲我昭晰吾將詢上帝寥廓詎躋徹已矣勿用言忘懷庶自悅

古意二首

賀蘭進明

秦庭初指鹿羣盜滿山東忤意皆誅死所言誰肯忠武關猶未啓兵入望夷宮爲崇非涇水人君道自窮

崇蘭生澗底香氣滿幽林采采欲爲贈何人是同心日暮徒盈把徘徊憂思深慨然紉雜佩重奏丘中琴

古意九首

釋貫休

一雨火雲盡閉門心冥冥蘭花與芙蓉滿院同芳馨佳人天一涯好鳥鳴嚶嚶我有雙白璧不羨於虞卿我有徑寸珠別是天地精玩之室生白蕭灑身安輕只應天上人見我雙眼明

陽烏爍萬物草木懷春恩茫茫塵土飛培擁名利根我本事簞笠幼知天子尊學爲毛氏詩亦多直致言不慕需臚類附勢同崩奔唯尋桃李踐去去長者門

美人如遊龍被服金鴛鴦手把古刀尺在彼白玉堂文章深掣曳珂珮鳴玎璫好風吹桃花片片落銀床何妨舉羽翰遠逐朱鳥翔乾坤有清氣散入詩人脾聖賢遺清風不在惡木枝千人萬人中一人兩人知憶在東溪日花開葉落時幾擬以黃金鑄作鍾子期莫輕白雲白不與風雨會莫見守羊兒謂是初平輩人生非日月



光輝豈長在一榮與一辱今古常相對君不見王公門子孫好冠蓋

古文如真金百鍊色不回今交如暴流倏忽生塵埃我恐君子氣散為青松栽我恐荆棘花只為小人開傷心復傷心吟上高高臺常思謝康樂文章有神力是何清風清凜然似相識一種為頑嚚得作翻經石一種為枯槁得作登山屐永嘉為郡後山水添鮮碧何當舉羽翰一去觀遺迹

常思李太白仙筆驅造化玄宗致之七寶牀虎殿龍樓無不可一朝力士脫靴後王上青蠅生一箇紫皇案前五色麟忽然掣斷黃金鑲五湖大浪如銀山滿船載酒槌鼓過賀老成異物顛狂誰敢和寧知江邊墳不是猶醉卧

憶在山中時丹桂花葳蕤紅泉浸瑶草日夕生華滋箬屋開地爐翠牆挂藤衣看經竹窻邊白猿三四枝東峯有老人眼碧頭骨竒種蕪煮白石旨趣如櫻兒月上來打門月落方始歸授我微妙訣

恬淡無所為別來六七年只恐白日飛

詠古

李涉

大智思濟物道行心始休垂綸自消息歲月任春秋紂虐武既賢風雲固可求順天行殺機所向協良謀況以丈人師將濟安川流何勞問枯骨再取陰陽籌霸國不務人兵戈恣相酬空令渭水跡千古獨悠悠

感古三首

盧仝

天生聖明君必資忠賢臣舜禹竭股肱共佐堯為君四載成地理七政齊天文階下萑莠生琴上南風薰輪轉夏殷周時復猶一人秦漢事讒巧魏晉忘機鈞猜忌相翦滅邇來迷恩親以愚保其身不覺身沉淪以智理其國遂為國之賊苟圖容一身萬事良可惻可憐萬乘君聰明受沉惑忠良伏草莽無因施羽翼日月異又蝕天地晦如墨既亢而後求異哉龍之德人生何所貴所貴有終始昨日盈尺璧今日盡瑕棄蒼蠅點垂棘



巧舌成錦綺箕子爲之奴比干諫而死仲尼魯司寇出走爲群婢  
假如屈原醒其柰一國醉一國醉吹號一人行清高便欲激頽波  
此事真徒勞上山逢猛虎入海遭巨鼇王者苟不死腰下魚鱗刀  
東海波連天三度成桑田高岸高於屋斯須變溪谷天地猶尚然  
人情難久全夜半白刃讎旦來金石堅蕭綬既解拆陳印亦棄捐  
竭節遇刀割輸忠遭禍纏不予衾之眠信予衾之穿明鏡不自照  
膏潤徒自煎抱劍長太息淚墮秋風前  
古人不患寡所患患不均單醪投長河三軍盡沉淪今人異古人  
結託唯親賔毀折唯鵲巢不行鳴鳩仁鄙悋不識分有心占陽春  
鸞鶴日已踈燕雀日已親小物無大志安測栖松筠恩眷多棄故  
物情尚逐新瓦礫暫拂拭光掩連城珍麝吻恣談鑠黃金成灰塵  
蘇秦北遊趙張祿西入秦既變嫂叔節仍擯華陽君萬世金石交  
一餉如浮雲骨肉且不顧何況長羈貧

古意

賈島

碌碌復碌碌百年雙轉轂志士中夜心良馬白日足俱爲不等閑  
誰是知音目眼中兩行淚曾弔三獻玉

効古天寶十四年

釋皎然

日出天地正煌煌闢晨曦六龍驅羣動古今無盡時夸父亦何愚  
競走先自疲飲乾咸池水折盡長桑枝渴死化燭火嗟嗟徒爾爲  
空留鄧林在摧折令人嗤

古興

呂溫

越歐百鍊時楚卞三泣地二寶無人識千齡皆棄置空巖起白虹  
古獄生紫氣安得命世客直來開奧秘劔任刺鐘看玉從投火試  
必能絕疑惑然後論奇異

諷古二首

劉禹錫

軒后初冠冕前旒爲蔽明安知從複道然後覓人情  
簿領乃俗士清談信古風吾觀蘇令綽朱墨一何工

續古詩十首

白居易



威威復威威送君遠行役行役非中原海外黃沙磧伶俜獨居妾  
迢迢長征客君望功名歸妾憂生死隔誰家無夫婦何人不難折  
所恨薄命身嫁遲別日迫妾身有存沒妾心無改易生為閨中婦  
死作山頭石

掩涕別鄉里飄飄將遠行茫茫綠野中春盡孤客情驅馬上丘壠  
高低路不平風吹棠梨花啼鳥時一聲古墓何代人不知姓與名  
化作路傍土年年春草生感彼忽自悟今我何營營

朝采山上薇暮采山上薇歲晏薇亦盡飢來何所為坐飲白石水  
手把青松枝擊節獨長歌其聲清且悲樞馬非不肥所苦長縶維  
豢豕非不飽所憂竟為犧行行歌此曲以慰常苦飢

雨露長纖草山苗高入雲風雪折勁木澗松摧為薪風摧此何意  
雨長彼何因百丈澗底死寸莖山上春可憐苦節士感此涕盈巾  
窈窕雙鬟女容德俱如玉晝居不踰閫夜行常秉燭氣如含露蘭  
心如貫霜竹且當備嬪御胡為守幽獨無媒不得選年忽過三六

歲暮望漢宮誰在黃金屋邯鄲進倡女能唱黃花曲一曲稱君心  
恩榮連九族

栖栖遠方士讀書三十年業成無知己徒步來入關長安多王侯  
英俊競攀援幸隨衆賓末得廁門館間東閣有旨酒中堂有管絃  
何為向隅客對此不開顏富貴無是非主人終日歡貧賤多悔尤  
客子中夜歎歸去復歸去故鄉貧亦安

涼風飄嘉樹日夜減芳華下有感秋婦攀條苦悲嗟我本幽閑女  
結髮事豪家豪家多婢僕門內頗驕奢良人近封侯出入鳴玉珂  
自從富貴來恩薄纔言多豕婦獨守禮群妾互奇衰但信言有玷  
不察心無瑕容光未銷歇歡愛忽蹉跎何意掌上玉化為眼中沙  
盈盈一尺水浩浩千丈河勿言小大異隨分有風波閨房復猶爾  
邦國當如何

心亦無所迫身亦無所拘何為腸中氣鬱鬱不得舒不舒良有以  
同心久離居五年不見面三年不附書念此令人老抱膝坐長吁



豈無盈樽酒非君誰與娛

攬衣出門行遊觀遶林渠澹澹春水暖東風生綠蒲上有和鳴鴈  
下有掉尾魚飛沉一何樂鱗羽各有徒而我方獨處不與之子俱  
顧彼自傷已禽魚之不如出遊欲遣憂孰知憂有餘  
春旦日初出矔矔耀晨輝草木照未遠浮雲已蔽之天地黯以晦  
當年如昏時雖有東南風力微不能吹中園何所有滿地青青葵  
陽光委雲上傾心欲何依

古意贈補闕

孟郊

曲木忌日影讒人畏賢明自然照燭間不受邪佞輕不有百鍊火  
孰知寸金精金鉛正同爐願分麤與精

古意二首

祖詠

楚工意何去獨自留巫山偏使世人見迢迢江水間駐舟春潭裏  
誓願拜靈顏夢寐覩神女金沙鳴珮環閑豔絕世姿令人氣力微  
含笑默不語化作朝雲飛

夫差日淫放舉國求妃嬪自謂得王寵代間無美人碧羅蒙天閣  
坐輦乘芳春宮女數千騎常遊江上濱年深玉顏老時薄花粧新  
拭淚下金殿嬌多不顧身生前妬歌舞死後同灰塵冢墓令人哀  
哀於銅雀臺

古意

陸龜蒙

君心莫淡薄妾意正栖託願得雙車輪一夜生四角

古意

李白

白酒初熟山中歸黃雞啄黍秋正肥呼兒烹雞酌白酒男女歡笑  
牽人衣高歌取醉欲自慰起舞落日爭光輝遊說萬乘苦不早著  
鞭跨馬涉遠道會稽愚婦輕買臣余亦辭家方入秦仰天大笑出  
門去我輩豈是蓬蒿人

古興

權德輿

月中有桂樹無翼難上天海底有驪珠下隔萬丈淵人生大限雖  
百歲就中三十稱一世晦明烏兔相推遷雪霜漸到雙鬢邊紀憂



爛 戚戚多浩歎不得如意居太半一氣斲聚常恐散黃河清兮白石

重校正唐文粹卷第十四之上

*(Faint bleed-through text from the reverse side of the page)*

重校正唐文粹卷第十四之下

吳興姚

鉉

纂

詩已摠五十六首

古調歌篇二

雜興四十七

雜興 蕭夷中

雜言 謝朓

雜詩三首 惟德興

雜詩六首 李華

雜詩二首 張說

雜詩二首 儲光義

雜感 鮑防

雜言 司空圖

雜詩 獨孤反

雜諷九首 陸龜蒙

感興 崔庸

遣興三首 杜甫

寓言二首 賈至

寓言 賈島

寓言 陸陽唐

不欺 賈島

辯士

新昌里 姚合

口號 賈島

絕句

悲歌三首 顧況

美人 陸龜蒙

客思 楊敬之

感事 陸龜蒙

寓言 孟郊



傷感九

汾陰行 李希 八月五日歌 顧况

三鄉驛伏觀玄宗望女几山詩小臣斐然有感 劉禹錫

江南遇天寶樂叟 白居易 連昌宮詞 元稹

感興 李涉 玉華宮 杜甫

至開什里壽春公故宅 常應物 杜秋娘詩 杜牧

雜興 薛夷中

兩葉能蔽目雙豆能塞聰理身不知道將為天地壘墟擾造化內  
茫茫天地中苟或有所願毛髮亦不容

雜言 謝陶

天不與人言禍福能自至水火雖活人暫不得即死照之焚斯須  
憑之瀾容易水火與禍福豈有先言耳

雜詩三首 權德輿

婉彼嬴氏女吹簫偶簫史彩鸞駕飛煙綽約兩仙子神期諒交感

相顧乃如此豈比成都人琴心中夜起

陽臺巫山上風雨忽清曠朝雲與遊龍變化千萬狀魂交復目斷  
縹緲難比況蘭澤不可親凝情坐惆悵

淇水春正淥上宮蘭葉齊光風兩搖蕩鳴佩出中閨一顧授橫波  
千金呈瓠犀徒然路傍子况悅復悽悽

雜詩六首 李華

黃鐘叩元音律呂更循環邪氣悖正聲鄭衛生其間典樂忽消微  
波浪與天渾嘈嘈鷗鳥動好鳥徒懸蠶王吉歸鄉里甘心長閉關  
玄黃與丹青五氣之正色聖人端其源上下皆有則齊侯好紫衣  
魏帝婦人飾女奴厭金翠傾海未滿臆何忍嚴子陵羊裘死荆棘  
甘酸不私人元和運五行生人受其用味正心亦平爪牙相踐傷  
日與性命爭聖人不能絕鑽燧與炮烹嗜慾乘此熾百金資一傾  
正消神耗衰邪勝體充盈顏子有餘樂瓢中寒水清  
陰魄淪宇宙太陽假其明臣道不敢專由此見虧盈未聞東菑稼



一氣嘉穀成上天降寒暑地利乃可生葛藟附柔木繁陰蔽曾原  
風霜摧枝條不復庇本根女蘿依松柏然後得長存  
孔光尊董賢胡廣慚李固儒風冠天下而乃敗王度絳侯與博陸  
忠朴受遺顧求名不考實文弊反爲蠹

結交得書生書生鈍且直爭權復爭利終不得其力我逢縱橫者  
是我牙與翼相旋如疾風並命趨紫極奔車得停軌風火何用逼  
仁義豈有常肝膽反爲賊勿嫌書生直鈍直深可憶

雜詩二首

張說

抱薰心恒焦舉旆心恒搖天長地自久歡樂能幾朝君看西陵樹  
歌舞爲誰嬌

問子青霞意何事留朱軒自言心遠俗未始迹辭喧過蒙良時幸  
側息吏途煩簪纓非宿好文史棄前言夕卧北窓下夢歸南山園  
白雲慚幽谷清風媿泉源十年茲賞廢佳期今復存挂冠謝朝侶  
星駕別君門

雜詩二首

儲光義

秋風蕭天地太行高崔嵬猿狖清夜吟其聲一何哀寂寥掩圭華  
夢寐遊蓬萊琪樹遠亭亭玉堂雲中開洪崖吹簫管素女飄飄來  
雨師既先後道路無纖埃鄙哉楚襄王獨好雲陽臺

渾胚本無象末路多是非達士志寥廓所在能忘機耕鑿時未至  
還山聊採薇虎豹對我蹲鸞鶴傍我飛仙人空中來謂我勿復歸  
格澤爲君駕雲霓爲君衣西遊崑崙墟可與世人違

雜感

鮑防

漢家海內承平久萬國戎王皆稽首天馬常銜首霜花胡人歲獻  
蒲萄酒五月荔枝初破顏朝離象郡夕函關鴈飛不到桂陽嶺馬  
走皆從林邑山甘泉御果垂仙閣日暮無人香自落遠物皆重近  
皆輕雞雖有德不如鶴

雜言

司空圖

鳥飛飛兔蹶蹶朝來暮去驅時節女媧祗解補青天不解煎膠黏



日月

雜詩

獨孤及

百花結成子春物捨我去流年惜不得獨立空閨暮心自有所待  
甘爲物華悞未必千黃金買得人一顧

雜諷九首

陸龜蒙

紅蠶緣枯桑青繭大如甕人爭捩其臂弄矢亦不中微微待賢程  
一一希入夢縱操上古言口噤難即貢蛟龍在怒水拔取牙角弄  
丹穴如可游家家畜孤鳳凶門尚見戲戰血波頭浴社鬼苟有靈  
誰能遏秋慟

童糜來觸犀德力不相及伊無恆心事祇有碎首泣況將鵬蠱校  
數又百與十攻如餓鷄叫勢若脫兔急斯爲朽關鍵怒犖挾以入  
年來橫干戈未見拔城邑得非佐饜者齒齒待吸汁羈維豪傑輩  
四駭方少繫此皆乘時利縱舍在呼吸吾欲斧其吭無雷動幽壑  
歌鴉慘干冰陸立懷所適斯人道仍悶不得不鳴嗚當時布衣士

亦作天子客至今東方生滿口自誇自終爲萬乘交談笑無所隔  
致君非有書乃是堯舜畫祇令侯門峻日掃貧賤迹朝趨九韶音  
莫列五鼎食如聞恭儉語蹇蹇事夕惕可拍伊牧肩功名被金石  
赤石可燒城讒邪易爲伍詩人疾之甚取俾投豺虎長風吹竅木  
始有音韻吐無木亦無風笙簧由喜怒女媧鍊五石天缺猶可補  
當其利口銜鯨漏不復數元精遺萬類雙目如牖戶非是旣相參  
重瞳亦爲瞽

東南有狂兇獵者西北矢利塵白冥冥獨此清夜止無人語其事  
偶坐窺天紀安得東壁明洪洪用墳史搜揚好古士一以罄雲水  
流堪灑菁英風足去稗秕如能出奇計坐可平賊壘徐陳義皇道  
高駕太平軌攫䟽成特雄濯垢爲具美首賢當上賞景福視所履  
永播南薰音垂之萬年耳

有蘄何青青空城雪霜裏干林盡枯槁苦節獨不死他遭匠石顧  
揔入犧黃美遂得保天年私心未爲恥高從宿梟怪下亦容螻蟻



大厦若輪材亭亭託君子

左右佩劍者彼此亦相笑趨時與閉門喧寂不同調潛機取聲利  
自許臻乎妙志士以神窺慚然真可弔天之發遐籟大小隨萬竅  
魁其鑪冶姿形質惟所召鼗笙磬等瑟是必登清廟伊聖不可欺  
誰能守蓬藿

橫笛喝秋風清商入疏越君居不夜城肯怨孤戍月吳兵甚犀利  
太白光突兀日已費千金潼關侵一撥豈無惡年少縱酒遊俠窟  
募爲敗死軍去以梟叛卒豈無中林士貫穿學問骨兵法五十家  
浩蕩如溟渤高懸鹿皮睡清澗時依撼分已誥煙霞全遺事干謁  
既非格猛獸未可輕華髮北面師其謀幾能止征伐何妨秦董勇  
又有曹巖說堯舜尚詢芻公平聽無忽

朝爲壯士歌暮爲壯士歌壯士心獨苦傍人謂之何古鐵久不快  
倚天無處磨將來易水上猶足生寒波捷可博飛狄健能超橐駝  
群兒被堅利索手安憑河驚飈掃長林直木謝檣科嚴霜凍大澤

僵龍不如蛇昔者天血碧吾徒安歎嗟

感興

崔膺

富貴難義合困窮易感恩古來忠烈士多出貧賤門世上樹桃李  
但結繁華子白屋抱關人青雲壯心死本以勢利交勢盡交情已  
如何失情後始歎門易軌

遣興三首

杜甫

螿龍三冬卧老鶴萬里心昔時賢俊人未遇猶視今嵇康不得死  
孔明有知音又如壠底松用捨在所尋大哉霜雪幹歲久爲枯林  
在昔龐德公未曾入州府襄陽耆舊間處士節獨苦豈無濟時策  
終竟畏羅罟林茂鳥有歸水深魚知聚舉家隱鹿門劉表焉得取  
蓬生非無根漂蕩隨高風天寒落萬里不復歸本叢客子念故宅  
三年門巷空悵望但烽火戎車滿關東生涯能幾何常在羈旅中

寓言二首

賈至

凜凜秋閨夕綺羅知早寒主砧調鳴杵始搗機中紈憶昨別離日



桐花覆井欄今來思君時白露盈堦溥聞有關河信欲寄雙玉盤  
玉以委貞心盤以薦嘉殮嗟君在萬里使妾衣帶寬  
春草紛碧色佳人曠無期悠哉千里心欲採商山芝歎惜良會晚  
如何桃李時懷君晴川上行立夏雲滋

寓興

賈島

莫居暗室中開目閉目同莫趨碧霄路容飛不容步暗室未可居  
碧霄未可趨勸君跨仙竹日下雲爲衢

寓興

歐陽詹

桃李有奇質樛櫟無妙姿皆承慶雲沃一種春風吹美惡苟同歸  
喧囂徒爾爲相將任玄造聊醉手中卮

不欺

賈島

上不欺星辰下不欺鬼神知心兩如此然後何所陳食魚味在鮮  
食蓼味在辛掘井須到流結交須到頭此語誠不謬敵君三萬秋

辯士

辯士多毀譽不聞談已非猛虎恣殺暴未常齧妻兒此理天所惑  
所惑當問誰求食飼鷓鴣吐出美言詞善哉君子人揚光掩瑕疵

新昌里

姚合

舊客常樂坊井泉濁而鹹新居新昌里井泉清而甘僮僕慣苦飲  
食美翻憎嫌朝朝忍飢行戚戚如難堪中下無正性所習便淫耽  
一染不可變甚於茜與藍近貧日益廉近富日益貪以此當自警  
慎勿信邪讒

口號

賈島

中夜忽自起汲此百尺泉林木含白露星斗在青天

絕句

海底有明月圓於天上輪得之一寸光可買千里春

悲歌三首并序

顧況

情思發動聖賢所不免也故師乙陳其宜延陵審其音理亂之所  
經王化之所興信無逃聲豈徒文彩之麗遂作歌以悲之



邊城路今日犁田昔人墓岸上沙昔時江水今人家今人昔人共  
長歎四氣相催節迴換明月皎皎入華池白雲離離度青漢我欲  
昇天天隔霄我欲渡水水無橋我欲上山山路險我欲汲井井泉  
遙越人翠被今何夕獨立沙邊江草碧紫燕西飛欲寄書白雲何  
處逢來客

新繫青絲百尺繩心在君家轆轤上我心皎潔君不知轆轤一轉  
一惆悵何處春風吹曉幕江南淥水通朱閣美人二八顏如花泣  
向春風畏花落臨春風聽春鳥別時多見時少愁人一夜不得眠  
瑤井玉繩相對曉

軒轅黃帝初得仙鼎湖一去三千年周流三十六洞天洞中日月  
星辰聯騎龍駕景遊八極軒轅弓劍無人識東海青童寄消息

美人

陸龜蒙

美人抱瑤瑟哀怨彈別鶴雌雄南北飛一旦異栖託諒非金石性  
安得宛如昨生爲並蒂花亦有先後落秋林對斜日光景自相薄

猶欲悟君心朝朝佩蘭若

客思

楊敬之

禾黍正離離南國翦白芝細腰沉趙女高髻唱蠻姬路愧前岡月  
梳慚一領絲鄉心不可語獨念畏人知

感事

陸龜蒙

將軍被鮫函祗畏金矢鏃豈知讒箭利一中成赤族古來信簧舌  
巧韻淒鏘曲君聞悅耳音盡日聽不足初因起毫髮漸可離骨肉  
所以賢達心求人須任目

寓言

孟郊

誰言碧山曲不廢青松直誰言濁水泥不污明月色我有青松心  
俗騁風霜力貞明既如此摧折安可得

汾陰行

李嶠

君不見昔日西京全盛時汾陰后土親祭祠齋宮宿寢設厨供撞  
鍾鳴鼓樹羽旗漢家四葉才且雄廣延萬靈服九戎栢梁賦詩高



宴罷初書法駕幸河東河東太守親掃除奉迎至尊導鑾輿五營  
將校列容衛三河縱觀空里閣回旌駐蹕降靈場焚香奠醑邀百  
祥金吾所發食正煇煌靈祇煒燁據景光埋玉陳牲禮神畢舉麾上  
馬乘輿出彼汾之曲嘉可游木蘭爲檝桂爲舟擢歌微吟絳鷁浮  
簫鼓衣鳴白雲秋歡娛宴洽賜羣后家家復除戶牛酒聲明動天  
樂無有千秋萬歲南山壽自從天子向秦關玉輦金車不復還珠  
簾羽帳長寂寞鼎湖龍髯安可攀千齡人事一朝空四海爲家此  
路窮唯豪意氣今何在壇場宮館盡蒿蓬路逢古老長歎息世事  
回環不可測昔時青樓對歌舞今日黃埃聚荆棘山川滿目淚沾  
衣富貴榮華能幾時不見只今汾水上唯有年年秋鴈飛

八月五日歌

顧況

四月八日明星出摩耶夫人降前佛八月五日佳氣新昭成太后  
生聖八開元九年燕公說奉詔聽置千秋節丹青廟裏貯姚宋花  
萼樓下宴岐薛清樂靈香幾處聞鸞歌鳳吹動祥雲已於武庫見

靈鳥以向晉山逢老君率土溥天無不樂河清海宴窮寥廓梨園  
弟子傳法曲張果先生進仙藥玉座淒涼遊帝京悲翁迴首感承  
明雲如九奏杳然遠唯有五陵松柏聲

三鄉驛伏觀玄宗望女兒山詩小臣斐然有感 劉禹錫

開元五八子萬事足惟惜當時光景促三鄉陌上望仙山歸作霓裳  
羽衣曲仙心從此在瑤池三清八景相追隨天上忽乘白雲去世  
間空七月秋風辭

江南遇天寶樂叟

白居易

白頭空髮泣且言祿山未亂入梨園能彈琵琶和法曲多在華清  
隨至是時天下太平又年年十月坐朝元千官起居環佩合萬  
國會同車馬奔金鈿照耀石甕寺蘭麝薰蕙温湯源貴妃宛轉侍  
君側體弱不勝珠翠繁冬雪飄颻錦袍暖春風蕩漾霓裳翻歡娛  
未足燕冠至弓勁馬肥胡語喧土人遷避夷狄鼎湖龍去哭軒  
轅從此漂淪到南土萬人死盡一身存秋風江上浪無限暮雨舟



中酒一樽酒魚又失風波勢枯草曾露雨露恩我自秦來君莫問  
驪山渭水如荒村新豐樹老籠明月長生殿暗鎖黃昏紅葉紛紛  
蓋敬瓦綠苔重重封壞垣唯有中官作宮使每年寒食一開門

連昌宮辭

元稹

連昌宮中滿宮竹歲久無人森似束又有牆頭千葉桃風動落花  
紅蕪蕪宮邊老人爲余泣小年選進因曾入上皇正在望仙樓太  
真同憑欄干立樓上樓前盡珠翠炫轉熒煌照天地歸來如夢復  
如癡何暇備言宮裏事初過寒食一百六店舍無煙宮樹綠夜半  
月高弦索鳴賀老琵琶定場屋力士傳呼覓念奴念奴潛伴諸郎  
宿須臾覓得又連催特勅街中許燃燭春嬌滿眼睡紅綃掠削雲  
鬟旋梳束飛上九天歌一聲二十五郎吹管逐逡巡大徧梁州徹  
色二龜茲轟錄續李暮壓雷笛傍宮牆偷得新翻數般曲念奴天寶  
中名妓善  
歌樓下  
禁衆樂爲之罷奏玄宗常遣高力士大呼於樓上曰欲遣念奴唱  
當時所重也如此然而玄宗不欲尊使遊之盛未嘗置在宮禁或

歲幸温湯時巡東洛有司潛遣從行而已又玄宗幸上陽宮夜後  
新翻一曲屬明夕正月十五日潛遊燈下忽聞酒樓上有笛奏前  
夕新翻之曲者大駭之明月密捕笛者詰驗之自云某其夕竊於  
天津橋上詠月聞宮中奏曲愛其新聲遂於天津橋柱以不畫譜  
記之問其誰氏奏云臣即長安少平明大駕發行宮萬人鼓舞途  
年李暮也玄宗異之賜物遣去  
路中百官隊仗避歧薛楊氏諸姨車闕風明年十月東都破御路  
猶存祿山過驅令供頓不敢藏萬姓無聲淚潛墮兩京定後六七  
年却尋家舍行宮前莊園燒盡有枯井行宮門闕樹宛然爾後相  
傳六皇帝不到離宮門久閉往來年少說長安玄武樓成花萼廢  
去年勅使因斫竹偶值門開暫相逐荆榛櫛比塞池塘狐兔驕癡  
綠樹木舞榭欹傾基尚存文牖窈窕紗猶綠塵埋粉壁舊花鈿烏  
啄風箏碎珠玉上皇偏愛臨砌花依然御榻臨堦斜蛇出燕巢盤  
鬪拱菌生香案正當衙寢殿相連端正樓太真梳洗樓上頭晨光  
未出簾影黑至今反掛珊瑚鈎指向傍人因慟哭却出宮門淚相  
續自從此後還閉門夜夜狐狸上門屋我聞此語心骨悲太平誰  
致亂者誰翁言野父何分別耳聞眼見爲君說姚崇宋璟作相公



勸諫上皇言語切瘼理陰陽禾黍豐調和中外無兵戎長官清平  
太守好揀選皆言由相公開元欲末姚宋死朝廷漸漸由妃子祿  
山宮裏養作兒號國門前開如市弄權宰相不記名依倚憶得楊  
與李廟謀顛倒四海搖五十年來作瘡痍今皇神聖丞相明詔書  
纔下吳蜀平官軍又取淮西賊此賊亦除天下寧年年耕種宮前  
道今年不遣子孫耕老翁此意深望幸努力廟謀休用兵

感興

李涉

隋氏造宮闕峨峨倚雲煙搜奇竭四海立制謀千年秦兵半夜來  
烈火焚高臺萬人聚筋血一旦為塵埃君看汴河路尚說隋家柳  
但問哭陵人秋草沒來久

玉華宮

杜甫

谿迴松風長蒼鼠竄古瓦不知何王殿遺構絕壁下陰房鬼火青  
壞道哀湍瀉萬籟真笙竽秋色正蕭灑美人為黃土况乃粉黛假  
當時侍金輿故物獨石馬憂來籍草坐浩歌淚盈把冉冉征途間

誰是長年者

至開化里壽春公故宅

韋應物

寧知府中吏故宅一徘徊歷階存往敬瞻位泣餘哀廢井沒荒草  
陰牖生綠苔門前車馬散非復昔時來

杜秋娘詩

杜牧

杜秋金陵女也年十五為李錡妾後錡叛滅籍之入宮有寵於景  
陵穆宗即位命秋為皇子傅姆皇子壯封漳王鄭注用事誣丞相  
欲去已者指玉為根王被罪廢削秋因賜歸故鄉予過金陵感其  
窮且老為之賦詩

京江水清滑生女白如脂其間杜秋者不勞朱粉施老鼻即山鑿

後庭千蛾眉秋持玉掌飲與唱金縷衣勸君莫惜金縷衣勸君須

折莫待無花空折鼻既白首叛秋亦紅淚滋吳江落日渡霸岸綠

枝李齒長唱此辭揚垂聯裾見天子盼眄獨依依椒壁懸錦幕鏡奩蟠蛟螭低鬟認

新寵窈窕復融怡月上白壁門桂影涼參差金階露新重閑捻紫



簫吹晉書盜開涼州張萼苔夾城路南苑鴈初飛紅粉羽林仗獨

賜辟邪旗歸來煮豹胎饜飶不能飴咸池昇日慶銅雀分香悲雷

音後車遠事往落花時燕襟得皇子壯髮綠綫綫畫堂授傅姆天

人親捧持虎睛珠絡襟金盤犀鎮帷長楊射熊羆武帳弄啞吟漸

拋竹馬戲稍出舞雞奇嶄嶄整冠佩侍宴坐瑤池眉宇儼圖書神

秀射朝輝一尺桐偶人江充知自欺王幽茅土削秋放故鄉歸觚

稜拂斗極迴首尚遲遲四朝三十載似夢復疑非潼關識舊吏吏

髮已如絲却喚吳江渡舟人爭得知歸來四隣改茂苑草菲菲青

血灑不盡仰天知問誰寒衣一匹素夜借鄰人機我昨金陵過聞

之為歔歔自古皆一貫變化安能推夏姬滅兩國逃作巫臣妻西

子下姑蘇一舸逐鴟夷織室魏豹俘作漢太平基誤置代籍中兩

朝尊母儀光武紹高祖本係生唐兒珊瑚破高齊作婢春黃糜蕭

后去揚州突厥為闕氏女子固不定士林亦難期射鈎後呼父釣

翁王者師無國要孟子有人毀仲尼秦因逐客令柄歸丞相斯安

知魏齊首見斷箆中死給喪蹶張輩廊廟冠峨危瑯貂七葉貴何

妨戎虜支蘇武却生返鄧通終死釗主張既難測翻覆亦其宜地

盡有何物天高復何之指何為而捉足何為而馳耳何為而聽目

何為而窺己身不自曉此外何思惟因傾一樽酒題作杜秋詩愁

來獨長詠聊可以自貽

重校正唐文粹卷第十四之下



重校正唐文粹卷第十五之上

詩庚摠五十九首

吳興姚

鉉

纂

古調歌篇三

懷古十二

四皓詩 李白

潁陽東谿懷古 崔曙

登郭隗臺 皇甫松

歸沛縣道中晚泊留侯城 劉長

鴻門讌 王囊

古泉驛 張說

嚴陵釣臺下作 權德輿

吳中懷古 劉駕

故絳行 杜顥

郢城懷古 李百藥

題西施浣紗石 胡幽真

鄴城懷古 孟雲卿

懷賢十

三君詠三首 高適

七愛詩六首 皮日休

陽城驛 元稹



集會七

奉同徐侍郎五雲溪新亭重陽宴集作獨孤及

高軒過李賀

郡中與諸文士醺集韋應物

淮南秋夜呈周備李嶷

夜飲東亭宋之問

讌客辭張籍

過賈六蘇晉

餞送三十

送渾將軍出塞高適

送郭大夫再使吐蕃張說

送張舍人之江東李白

吳興送梁補闕歸朝賦得荻花朱長文

送周原判官歸嶺南姚係送韓愈從軍孟郊

送王昌齡赴江寧岑參送李十一尉臨谿常建

奉送韋起居老舅百日假滿歸嵩陽舊居權德輿

送從叔簡孟郊感別從叔簡再東歸

送弟郢東歸盧十五竹亭送姪侗歸山楊衡

送李觀韓愈別兼獻張徐州孟郊

送狄宗亨王昌齡送孟浩然之廣陵李白

送客陳子昂送唐次武元衡

送皇甫湜赴舉馬異送張宗原姚合

送綦毋潛落第還鄉王維送暨道士還王清李頎

淇上別趙仙舟王維送沈秀才下第東歸賈島

崔九弟欲往南山王維同前裴迪

贈別沈四逸人高適留別王維崔興宗

送豆盧策歸別墅孟郊送柳淳入關

四皓詩

李白

白髮四老人昂藏南山側偃卧松雪間冥翳不可識雲窻拂青霽

石壁橫翠色龍虎方戰爭於焉自休息秦人失金鏡漢祖昇紫極

陰虹濁太陽前星遂淪匿一行佐明聖欬起生羽翼功成身不居

舒卷在曾臆宵冥合元化茫昧信難測飛聲塞天衢萬古仰遺跡



穎陽東谿懷古

崔曙

靈谿氛霧歇皎鏡清心顏空色不映水秋聲多在山世人又踈曠  
萬物皆自閑白鷺寒更浴孤雲晴未還昔時讓王者此地閉玄關  
無以躡高步淒涼林壑間

登郭隗臺

皇甫松

燕相謀在茲積金黃巍巍上者欲何顏使我千載悲

歸沛縣道中晚泊留侯城

劉長卿

訪古此城下子房安在哉白雲去不返危堞空崔巍伊昔楚漢時  
頗聞經濟才運籌風塵下能使天地開蔓草日已積長松日已摧  
功名滿青史祠廟唯蒼苔百里暮程遠孤舟川上迴進帆東風便  
轉岸前山來楚州澹相引沙鷗閑不猜扣船從此去延首仍徘徊

鴻門醜

王穀

寰海沸兮爭戰苦風雲愁兮會龍虎四百年漢欲開基項莊一劍  
何虛舞殊不知人心去暴秦天意歸真主項王足底踏漢土席上

相省渾未悟

古泉驛於陵仲子宅也

張址

昔聞陵仲子守義辭三公身負妻織屨樂亦在其中豈無窮賤苦  
羞與傾巧同長白臨河上於陵入濟東我今行至此感歎石泉空

嚴子陵釣臺下作

陸德輿

絕頂聳蒼翠清湍石磷磷先生晦其中天子不得正心靈接顛元  
纓冕猶緇塵不樂仕中世却歸江上春潛驅東漢氣日使薄者醇  
焉用佐天下持此報故人則知大賢心不獨私其身弛張有深致  
耕釣陶天真柰何清風後擾擾論屈伸交情同市道利欲相紛綸  
我行訪遺臺仰古懷逸民矰繳鴻鵠遠雪霜松桂新江流去不窮  
山色凌秋昊人世自今古清輝照無垠

吳中懷古

劉如馬

勾踐飲膽日吳王酒滿血壘歌入海雲聲自姑蘇來西施舞初罷  
侍兒整金篋衆女不敢妬自比泉下泥越鼓聲騰騰吳王隔黃池



難將兩東地更學會稽棲

故絳行

杜顥

君不見銅鞮觀數里城池已蕪漫君不見祈禱宮  
幾千臺榭亦微蒙介馬兵車全盛時歌童舞女妖  
艷姿一代繁華皆共絕九原唯望塚壘壘

郢城懷古

李百藥

客心悲莫序登墉瞰平陸林澤宵芊綿山川鬱  
重複王公資設險名都距江隩方城疑北門溟  
海窮南服長策挫吳豕雄圖競周鹿大蒐雲夢  
崦壯觀章華終入世更不競西師日侵蹙運  
圯屬驅馳時屯恣敲扑莫救夷陵火無復秦庭  
哭鄢郢遂兵燹風塵俄慘黷狐兔時遊踐霜露  
日霑沐釣渚故地平神臺屬宇覆陣雲埋夏首  
窮陰慘荒谷悵矣洲壑溷悲哉年祀倏雖異  
三春望終傷千里日

題西施浣紗石

胡幽貞

一朝入紫宮萬古遺芳塵至今溪邊花不敢嬌青春

鄴城懷古

孟雲卿

朝發淇水南將尋北燕路魏家舊城闕寥落無人住  
伊昔天地屯曹公獨中據羣臣將北面日忽西暮  
三臺竟寂寥萬世難長固雄豪安在哉衰草霑  
霜露雀在魏長河北尚見應劉墓古樹藏龍蛇  
荒茅伏狐兔未懷故池館數子連章句逸興驅  
山河雄辭變雲霧我行觀遺跡精爽如相遇斗  
酒將酌君悲風白楊樹

三君詠并序

高適

開元中適游於魏郡北有故太師鄭公舊館里  
中有故尚書郭公遺業邑外又有故太守狄公  
生祠焉觀物增懷遂為三君詠

魏鄭公徵

文日利

鄭公經綸日隋氏風塵昏濟代取高位逢時敢  
直言道光先帝業義激舊君恩寂寞卧龍處英  
靈千載魂

郭代公元振

代公實英邁津涯浩難識權兵抗矯徵仗節歸  
有德縱橫負大智



顧盼安社稷流落勿重陳懷哉為悽惻

狄梁公仁傑

梁公乃貞固勳烈垂竹帛昌言太后朝潛運儲皇策待賢開相府  
共里登方伯至今青雲人猶是門下客

七愛詩并序

皮日休

皮子之志常以真純自許每謂立大化者必有真相以房杜為真  
相焉定大亂者必有真將以李太尉為真將焉做大君者必有真  
隱以盧徵君為真隱焉鎮澆俗者必有真吏以元魯山為真吏焉  
負逸氣者必有真放以李翰林為真放焉為名臣者必有真才以  
白太傅為真才焉嗚呼吾之道時耶行其事也在乎愛忠矣不時  
耶行其事也亦在乎愛忠矣苟有心歌詠者豈徒然哉

房杜二相國

吾愛房與杜貧賤共聯步脫身拋亂世策杖歸真主縱橫握中筭  
左右天下務翫隣無敵才磊落不世遇美矣名公卿魁然真宰輔

黃閣三十年清風一萬古巨業照國史大勳鎮王府遂使後世民  
至今受陶鑄粵吾少有志敢躡前賢路苟得同其時願為執鞭豎

李太尉晟

吾愛李太尉崛起定中原驍雄十萬兵四面圍國門一戰收三畿  
一叱散妖氛乘輿既反正克豎爭亡魂巍巍柱天功蕩蕩蓋世勳  
仁於曹孟德勇過霍將軍丹券入帑藏青史傳子孫所謂大丈夫  
動合驚乾坤所謂聖天子難得忠貞臣下以契魚水上以合風雲  
百世必一亂千年方一人吾雖翰墨子氣槩敢不羣願以太平頌  
題向甘泉春

盧徵君鴻

吾愛盧徵君高卧嵩山裏百辟未一顧三徵方暫起坦腹對宰相  
岸憤揖天子建禮門前吟金鑿殿裏醉天下皆哺糟徵君獨絮已  
天下皆樂聞徵君獨洗耳天下皆懷羞徵君獨多耻銀黃不妨懸  
赤綬不妨被而於心抱中獨作義皇地籃輦一云返泥詔褒不已



再看縵山雲重酌蒿陽水放曠書裏終逍遙醉中死吾謂伊與周  
不若徵君貴吾謂巢與許不若徵君義高名無階級逸迹絕涯涘  
万世唐書中逸名不可比粵吾慕真隱疆以骨肉累如教不爲名  
敢有徵君志

元魯山

吾愛元紫芝清介如伯夷輦毋遠之官宰邑無點疵三年魯山民  
豐稔不暫飢三年魯山吏清慎各自持只飲魯山泉只採魯山薇  
一室米藥苦四遠聲光飛退歸舊隱來斗酒入茅茨雞黍匪家畜  
琴鐻常自怡盡日一菜食窮年一布衣清似匣中鏡直如琴上絲  
世無用賢人青山生白髭既卧黔婁衾空立陳寔碑吾無魯山道  
空有魯山辭所恨不相識援毫空涕垂

李翰林

吾愛李太白身是酒星魄口吐天上文脉作人間客磔硤千犬林  
澄澈萬尋碧醉中草樂府十幅筆一息召見承明廬天子親賜食

醉曾吐御床傲幾觸天澤權臣妬逸才心如斗筭窄失恩出內署  
海岳甘自適刺謁戴接離赴宴着穀屨諸侯百步迎明君九天憶  
竟遭腐脅疾醉魄歸八極大鵬不可籠大椿不可摘蓬壺不可見  
姑射不可識五岳爲辭鋒四溟作骨臆惜哉千萬年此俊不可得

白太傅

吾愛白樂天逸才生自然誰爲詞翰器乃是經濟賢欸從浮豔詩  
作得典誥篇立身百行足爲文六藝全清望逸內署直聲驚諫垣  
所刺必有思所臨必有傳忘形任詩酒寄傲遍林泉所望握文柄  
所希持化權何期遇訾毀中道多左遷天下皆汲汲樂天獨怡然  
天下皆悶悶樂天獨捨梅高吟辭兩掖清嘯罷三川處世似孤鶴  
遺榮同蛻蟬仕若不得志可爲龜鏡焉

陽城驛

元稹

商有陽城驛名同陽道州陽公沒已久感我淚交流昔公孝父母  
行與魯閔儔既孤善兄弟兄弟知且柔一夕不相見若懷三歲憂



遂是不婚娶沒齒同衾稠妹夫死他縣遺骨無人收公令季弟往  
公與仲弟留相別竟不得三人同遠遊共負他鄉骨歸來藏故丘  
樓遲居下邑邑人無苟偷里中靜長短來問劣與優官刑一朝耻  
公短終身羞公亦不遺布人自不盜牛問公何德爾忠信先自修  
發言當道理不顧黨與讎聲香漸翕習冠蓋若雲浮少者從公學  
老者從公游往來相告報縣尹與君侯名落公卿口湧如波薦舟  
天子得聞之書下再三求書中願一見不異旱地蚪何以持爲御  
駟馬駕安輶公方伯夷操事殷不辜周我實唐士庶食唐之田疇  
我聞天子意安敢專自由來爲諫大夫朝夕侍冕旒希夷淳薄俗  
密勿獻良壽神醫不言術人瘼曾暗瘳月請諫官俸諸弟相對謀  
皆曰親戚外酒散目前愁公云不有爾安得此嘉猷施餘盡酷酒  
客來相獻酬日吁不謀食春深仍江來人心良感感我樂獨油油  
真元歲云暮朝有曲如鈞風波勢奔蹙日月光綢繆齒牙屬爲獮  
禾黍暗生豈豈無司言者肉食吞其喉豈無司標者利柄扼其鞵

算復勢氣塞不可辨薰猶公雖未顯諫惴惴如患瘤飛章八九上  
皆若珠暗投炎炎日將熾積燎無人抽公乃率其屬決諫同報讎  
延英殿門外扣閣仍叩頭且曰事不止臣諫誓不休上知不可遏  
命以美語酬降官司成署俾之爲贅疣姦心不快活擊刺礪戈矛  
終爲道州去天道意悠悠遂令不言者反以言爲訛喉舌坐成木  
鷹鷂化爲鳩避權如避虎冠豸如冠猴平生附我者詩人稱好述  
私來一執手恐若墜諸溝送我不出戶決我不迴眸唯有太學生  
各具糧與糗咸言公去矣我亦去荒陬公與諸生別步步駐行騶  
有生不可訣行行遇閩甌爲師得如此得爲賢者不道州聞公來  
鼓舞歌且謳昔公居夏邑狎人如狎鷗況自爲刺史豈復援鼓桴  
滋彰一時罷教化天下道炎瘴不得老英華忽已愁有鳥哭楊震  
無兒悲鄧攸唯餘門弟子列樹松與楸今來過此驛若弔汨羅洲  
祠曹諱羊祜此驛何不侔我願避公諱名爲避賢郵此名有深意  
蔽賢天所尤吾聞玄元教日月冥九幽幽陰蔽賢者永爲幽翳囚



奉同徐侍郎五雲谿新亭重陽宴集作 獨孤及

萬峯蒼翠色雙谿清淺流已符東山趣況值江南秋白露天地蕭  
黃花門館幽山公惜美景肯爲芳罇留五馬照池塘繁絃催獻酬  
風前孟嘉帽乘興李膺舟騁望傲千古當歌遺四愁豈令未和人  
獨擅山陰遊

高軒過

李賀

華裾織翠青如葱金環壓纒搖玲瓏馬蹄隱耳聲隆隆入門下馬  
氣如虹云是東京才子文章鉅公二十八宿羅心曾元精昭昭貫  
當中殿前作賦聲摩空筆補造化天無功厖眉書客感秋蓬誰知  
死草生華風我今垂翅附冥鴻他日不差地作龍

郡中與諸文士讌集

韋應物

兵衛森畫戟宴寢疑清香海上風雨至逍遙池閣涼煩疴正消散  
嘉賓復滿堂自慙居處崇未覩斯民康理會是非遣性達形迹忘  
鮮肥屬時禁蔬果幸見嘗俯飲一盃酒仰聆金玉章神歡體自輕

意欲凌風翔吳中盛文史羣彥今汪洋方知大藩地豈曰才賦疆

淮南秋夜呈周偁

李嶷

天淨河漢高夜閑碁枰發清秋急如此離恨應難歇風亂池上螢  
露光竹門月與君共遊處勿作他鄉別

夜飲東亭

宋之問

春水鳴大壑皓月吐層岑岑壑景色佳慰我遠遊心聞芳足幽氣  
驚棲多衆音高興南山曲長謡橫素琴

讌客詞

張籍

上客不用顧金羈主人有酒君莫違請君看取園中花地上漸多  
枝上稀山頭樹綠不見石谿水無風應更碧人人齊醉起舞時誰  
覺翻衣與倒幘明朝花盡人已去此地獨來空遶樹

過賈六

蘇晉

主人病且閑容來情彌適一酌復一笑不知日將夕昨來屬歡遊  
於今盡成昔努力持所趣空名定何益



送渾將軍出塞

高適

將軍族貴兵且強漢家已是渾邪王子孫相承在朝野至今部曲  
燕支下控絃盡用陰山兒臨陣常騎大宛馬銀鞍玉勒編羣狐每  
逐嫖姚破骨都李廣由來先將士衛青未肯學孫吳傳有沙場十  
萬騎昨日邊庭羽書至城頭畫角三四聲匣裏寶刀晝夜鳴意氣  
能甘萬里去辛勤動作一年行黃雲白草無前後朝望旌旗夕刁  
斗塞下應多俠少年關西不見春楊柳從軍但問所從誰擊劍酣  
歌當此時遠別無輕繞朝策平戎早寄仲宣詩

送郭大夫再使吐蕃

張說

犬戎廢東獻漢使馳西極長策間曾渠猜阻自夷殛容髮徂邊歲  
旌裘弊海色五年一見家妻子不相識武庫兵猶動金方事未息  
遠圖侯才智苦節輸筋力脫刀贈分手書帶加飡食知君萬里侯  
立功在異域

送張舍人之江東

李白

張翰江東去正值秋風時天晴一鴈遠海關孤帆遙白日行欲莫  
浴波香難期吳洲如目月千里幸相思

吳興送梁補闕歸朝賦得荷花

朱長文

柳家汀洲孟冬月雲垂水清菰花發一伎特贈朝天人願比蓬萊  
殿前雪

送周原判官歸嶺南

姚係

早蟬望秋鳴夜琴怨離聲嗚嗚然多異感直子江山行由來重義人  
感激事縱橫往復念阻滯留燕平生屢奉九衢錢莫始萬里程  
山驛風月樹汾門烟霞不城易銷泉源近拾翠沙淑明蘭蕙一為贈  
貧交空復情

送韓愈從軍

孟郊

志士感恩起變衣非登性親賓改舊觀僮僕生新敬坐作書書吟  
行爲孤劍詠始知出心不失平生正淒淒天地秋凜凜軍馬令  
驪塵時一飛物色極四淨王師既不戰廟略盡無競王粲有所依



元瑜初應命一章論機聞百萬心氣定今朝旗鼓前笑別大夫盛  
送王昌齡赴一亭  
岑參

對酒寂不語悵然悲送君明時不得用白首徒攻文國澤從一官  
滄波幾千里群心滿天關獨去過淮水舊家富春者常憶卧江樓  
自聞君欲行頻夢南徐州窮巷獨閉門寒燈靜深屋北風吹微雪  
抱被肯同宿君今到京口正值桃花時舟中曉孤興湖上多新詩  
潛蚪且深蟠黃鶴舉未况情君青雲氣努力加餐飯

送李十一尉臨潞

常建

泠泠花下琴君唱大江吟天際一帆影預懸離別心以言神僊尉  
因致瑤華音迴軫撫商調越谿澄碧林

奉送韋處居老舅百日假滿歸嵩陽舊居

權德輿

威鳳翔紫氣孤雲出家太奇形與幽姿縹緲皆自然嘗聞陶唐氏  
亦有巢許全以茲聳風心豈必効羈牽大君遂群方左史蹈前賢  
振衣去朝市賜告歸林水滑口回難久循性得所便有名皆畏途

無事乃真筌舊壑窮木末條新潭漾淪漣巖花落久開山月缺復圓  
輕策逗蘿逕幅巾凌翠烟機閑魚鳥狎體和芝朮鮮四皓本避難  
二疎猶待年況今寰海清復此鬢髮玄顧慙纓上塵未絕區中綠  
齊竿終自退心寄嵩峯巔

送從叔簡

孟郊

長安離別道宛在東城隅寒草根未死愁人心已枯促促水上影  
遙遙天際途生隨昏曉中皆被日月驅北驥繞山岳南帆指江湖  
高蹤一超忽千里在須臾

感別從叔簡再東歸

去年車馬道高槐結浮陰下有名利人一人千萬心黃鶴共遠語  
滄溟無近岸苦苦靜退姿泠泠思歸吟菱唱忽生聽芸書迴望深  
清風散言笑餘花綴衣襟獨恨魚鳥別一飛將一沉

送弟郢東歸

爾去東南夜我無西北夢誰言負別易負別愁更重曉色奪明月



征人逐群動春風楚濤高旅榜將誰共

盧十五竹亭送姪僊歸山

楊衡

落葉寒擁壁清霜夜露石正是憶山時復送歸山客殷勤一樽酒  
曉月當牕白

送李觀韓愈別兼獻張徐州

孟郊

富別愁在顏貧別愁銷骨懶磨舊銅鏡畏見新白髮古樹春無花  
子規啼有血離絃不堪聽一聽三四絕世途非一險俗慮各千結  
有客步大方驅車獨迷轡故人韓與李逸翰離皎潔哀哉摧折歸  
贈詞縱橫設徐方國號在元戎天下傑襴生投刺遊王粲吟詩謁  
高情無遺照朗抱開曉月有土不埋冤有讎皆為雪願為直草木  
求向君地列願為古琴瑟求向君地發欲識丈夫心曾將孤劍說

送狄宗亨

王昌齡

秋在水清山暮蟬洛陽樹色鳴臯烟送君歸去愁不盡又惜空度  
風天

送孟浩然之廣陵

李白

故人西辭黃鶴樓烟花三月下揚州孤帆遠影碧山盡唯見長江  
天際流

送客

陳子昂

故人洞庭去楊柳春風生相送河洲晚蒼茫別思盈白蘋已堪把  
綠芷復含榮江南多桂樹歸客贈生平

送唐次

武元衡

都門去馬嘶灞水東流淺青槐驛路長白日離亭晚望望烟景微  
草色行人遠

送皇甫湜赴舉

馬異

馬蹄聲特特去入天子國借問去是誰秀才皇甫湜含吐一腹文  
八音兼五色主文有崔李郁郁為朝德青銅鏡必明朱絲繩必直  
稱意太平年願子長相憶

送張宗原

姚合



東門送客道春色如死灰一客失意行十客顏色低佳者既無家  
去者又非歸愁窮一成疾百藥不可治子賢我且愚命分不合齊  
誰開寒蹟門日日同遊栖子行何所之切切食與衣誰能買仁義  
令子無寒飢野田不生草四向生路歧士人甚商賈終日須東西  
鴻鴈春北去秋風復南飛勉君向前路無失相見期

送蔡丹潛落第還鄉

王維

聖代無隱者英靈盡來歸遂令東山客不作顧采薇既至君門遠  
孰云吾道非江淮度寒食京兆縫春衣置酒長亭送同心與我違  
行當浮桂棹未幾拂荆扉遠樹帶行客孤村當落暉吾謀適不用  
勿謂知音稀

送暨道士還玉清

李頎

仙官有名籍度世吳江濱大道本無我青春長與君中州能已到  
至理得而聞明主降黃屋時人看白雲空山何窈窕三秀日氛氳  
遂此留書客超遙烟駕分

淇上別趙仙舟

王維

相逢方一笑相送還成泣祖席已傷離荒城復愁入天寒遠山靜  
日莫長江急解纜君已遙望君空佇立

送沈秀才下第東歸

賈島

曲言惡者誰悅耳如彈絲直言好者誰刺耳如長錐沈生才俊秀  
心腸無邪欺君子忌苟合擇交如求師毀出嫉夫口騰入禮部闈  
下第君子耻遺才人耻之東歸家堂遠掉轡時參差浙雲近吳見  
沐柳接楚垂明年春亦別迴首不復疑

崔九弟欲往南山

王維

城隅一分手幾日還相見山中有桂花莫待花如霰

和

裴迪

歸山深淺去須盡丘壑美莫學武陵人暫遊桃源裏

留別

崔興宗

駐馬欲去襟清寒御溝上前山景氣佳獨往還惆悵



贈別沈四逸人

高適

沈侯未可測其況信浮沉十載常獨坐幾人知此心乘舟蹈滄海  
買劍投黃金世務不足煩有田西山岑我行遇知己遂得開清襟  
何意閩閩間沛然江海深疾風掃秋樹澗上多鳴砧耿耿罇酒前  
聯鴈飛愁陰平生重離別感激對孤吟

送豆盧策歸別墅

孟郊

短松鶴未巢高石雲始棲君為蕭灑去性與雲鶴齊力買竒險地  
手開清淺溪身披薜蘿襟山陟莓苔梯一卷冰雪文避俗常自攜

送柳淳入關

青山輾為塵白日無閑人自古推高車爭利西入秦王門與侯門  
待富不待貧空齋一束書獨去誰相親

重校正唐文粹卷第十五之上

重校正唐文粹卷第十五之下

吳興姚

鈔

纂

詩辛 總六十六首

古調歌篇四

行役十九

岐路龜涖

秋入關 賈馳

晨裝行 歐陽詹

蜀道後期 張說

蜀中將歸留辭宰相公 歐陽詹

襄陽路逢寒食 張說 巡邊在河北作

奉和左司負外先赴長安逢立春日贈韋侍郎等諸公

初發太原至途中寄太原所思 歐陽詹

西還至散關答喬補闕 陳子昂

剡谿行却寄新別者 未做

早發龍且館舟中寄東海李司倉鄭司戶 獨孤及



曉發 賀知章

月夜 江行 權德輿

江行四首

江行 柳中庸

懷寄二十八

新都南亭別郭大元振 盧崇道

寄侍御從舅 權德輿 秋莫山中寄李益端公 鮑溶

寄趙七侍御因敘疇年之素 寄懷於篇 李華

偶題安州浮雲寺樓寄湖州張郎中 杜牧

魏州從事寄耿拾遺 姚合 洪州客舍寄柳博士芳 薛業

岳州張史君與王都督別詩二首因遥申和 韋嗣立

留別表丞 王昌齡 舟中懷閩士和 釋皎然

秋山寄陳讜言 王昌齡 海上寄蕭五 獨孤及

懷鄭洎 孟暹 行山禪居寄贈東溪吳處士 釋皎然

寄廬山隱者 楊衡 春夢 岑參

贈遠 陸龜蒙

河梁別 馬戴

有所思 盧仝

寄遠 李白

寄遠 賈島

然情 李白

生別離 白居易

別離 陸龜蒙

離怨 張籍

春愁 韓琮

和贈遠 獨孤及

失意九

傷歌行 張籍

遷謫江表父未歸 竇叅

失志夜坐思歸楚江 孟郊

失意歸吳寄劉侍郎

答李昌期 楊洵美

莫相疑行 杜甫

王夫子 白居易

孟先生詩 韓愈

徐十八晦落第 歐陽詹

疾病三

溫泉莊卧病寄楊七炯 宋之問



夏中訓于逝畢耀問病見贈 獨孤及  
秋園卧疾呈暉上人 陳子昂

傷悼七

荅宋主簿兼貽平昔遊舊 盧藏用

對酒憶賀監三首 李白 哭玄英方干先生 孫解

吊王將軍墓 常建 國殤 孟郊

歧路

鮑溶

北風送微寒徒侶勤遠程憂人席不暖殘月馬上明飄飄歧路間  
長見日初生重嶂曉色淺踈棧寒啼清人間多歧路常恐終身行  
迴見四方人車輪無留聲空谷亦堪隱下田非懶耕古人有遺訓  
飽食非親祭我生禮義鄉少小見太平聖賢猶羈旅況復非其名

秋入關

賈馳

河上微風來關頭樹初濕今朝關城吏又見孤客入上國誰與期  
西來徒自急

晨裝行

歐陽詹

村店月西入山枝鳴鳩聲未裝徹夜席束囊事晨征寂寂人尚眠  
悠悠天未明豈無偃息心所務前有程

蜀道後期

張說

客心爭日月來往預期程秋風不相待先至洛陽城

蜀中將歸留辭韋相公

歐陽詹

寧體即雲構方前相王食貧居豈及此要欲懷歸憶在夢關山遠  
如流歲華逼明晨首鄉路迢遞孤飛翼

襄陽路逢寒食

張說

去年寒食洞庭波今年寒食襄陽路不辭着處尋山水祇畏還家  
落春暮

巡邊在河北作

去年六月西河西今年六月北河北沙場積路何為爾重氣輕生  
知許國人生在世能幾時壯年征戰髮如絲會待安邊報明主作



頌封山也未遲

奉和左司負外自洛使入京中路先赴長安逢立春

日

孫逖

贈韋侍郎等諸公  
拜郎登省闈奉使馳車乘遙瞻使者星便是郎官應臺妙時放言  
皇華德彌稱二陝聽風謠三秦望形勝此中睽友益是日多詩興  
寒盡歲陰催春歸物華證

忽覩雲間數鴈迴更逢山上花正開河邊淑氣迎芳草林下輕風  
待落梅秋憲府中高唱入春卿署裏和聲來共言東閣招賢地自  
有西征謝傅才

初發太原途中寄太原所思

歐陽詹

鷗鳥覺漸遠迴頭長路塵高城已不見況復城中人去意自未甘  
居情諒猶辛五原東北晉千里西南秦一履不出門一車無停輪  
流萍與繫匏早晚期相親

西還至散關答喬補闕

陳子昂

歲稊蒼梧鳳唳吟白露蟬羽翰非本匹結交何獨全昔君事胡馬  
余得奉戎旃攜手同沙塞關河緬幽燕芳歲幾陽止白日屢徂遷  
功業雲臺薄平生玉佩捐歎此南歸日猶聞北戍邊代水不可涉  
巴江亦潺湲攬衣度函谷銜涕望秦川蜀門自茲始雲山方浩然

剡溪行却寄新別者

朱倣

潺湲寒谿上自此成離別迴首望歸人移舟逢暮雪頻行識草樹  
漸老傷年髮唯有白雲心為向東山月

早發龍且館舟中寄東海李司倉鄭司戶 獨孤及

沙禽相呼曙色分漁浦鳴榔十里聞正當秋風度楚水沉值遠道  
傷離羣津頭却望後湖岸別處已隔東山雪亭艫目送北歸翼惜  
無瑤華持寄君

曉發

賀知章

故鄉杳無際江臯聞曙鐘始見沙上鳥猶埋雲外峯

月夜江行

權德輿



扣舷不能寐浩露清衣襟彌傷孤舟夜遠結萬里心幽興惜遙草  
素懷寄鳴琴三奏月初上寂寥寒江深

江行四首

曉

曉風搖五兩殘月映石壁稍稍曙光開片帆在空碧

晝

孤舟漾暖景獨鶴下秋空安流日正晝淨綠天無風

晚

古樹夕陽盡空江暮靄收寂寞扣舷坐獨生千里愁

夜

猿聲到枕上愁夢紛難理寂寂深夜寒清霜落秋水

江行

柳中庸

繁陰乍隱洲落葉初飛浦蕭蕭楚客帆暮入寒江雨

新都南亭別郭大元振

盧崇道

竹徑女蘿蹊蓮洲文石隄靜深入俗斷尋玩往還迷碧潭秀初月

素林驚夕棲褰幌納鳥侶罷琴聽猿啼佳辰改宿昔勝寄坐睽攜

長懷賞心愛如玉復如珪

寄侍御從舅初免職歸東山

權德輿

靡靡南軒蕙迎風轉芬滋落落幽澗松百尺無附枝世物自多故

達人心不羈偶陳幕中畫未負林間期感恩從慰薦循性難繁維

野鶴無俗質孤雲多異姿清冷松露泫照灼巖花逢終當稅塵駕

來就東山嬉

秋暮山中寄李益端公

鮑溶

舊事與日遠酒花仍舊香前年繡衣客此節過此堂侍臣不自高

笑解繡衣裳眠雲有餘態入鳥不亂行我恐雲嵐色損君鞍馬光

君言此何言今日皆異鄉明日非今日下山道路長一從下山去

天地再炎涼此期果難得夢君馬玄黃

寄趙七侍御自餘干谿行經弋陽至上饒山川幽麗思



與雲卿同遊遂不可得因叙疇年之素寄懷於篇

李華

搖漿曙江流江晴山復重心愜賞未足川迴失前峯凌灘出極浦  
曠若天地通君陽青嵯峨開坼混元中九潭魚龍窟仙成羽人宮  
陰與潛鬼物精光動煙紅玄猿啼深艷竹斲深楚越謂白鷗戲葱  
蒙飛湍鳴金石激溜鼓雷風雨濯萬木鮮霞照千山濃草閑長餘  
綠花淨落幽紅渚煙見晨釣山月聞夜春覆谿窈窕波涵石洶溶  
溶丹丘忽聚散素壁相奔衝白日破昏靄靈山出其東勢排昊蒼  
上氣壓吳越雄迴頸望雲卿此恨發吾衷昔日蕭邵遊四人纔成  
童驛與苦貧七侍御驛故蕭十功曹頴十故邵十六軫未冠遊太屬  
詞慕孔門入仕希上公緯卿陷非罪折我昆吾鋒鄴字緯卿以寬  
茂挺獨先覺拔身渡京虹斯人謝明代百代墜鴻鴻亂棄官往江  
東殯葬先人世故墜橫流與君哀路窮與胡陷兩京華相顧無死  
節蒙恩逐殊封躡縣州晉江尉趙天波洗其瑕朱衣備朝容

遷尚書郎趙一列凡十年豈期復相從餘生得攜手遺此兩孱翁

拜補闕御史

羣遷失鷺羽後凋惜長松衰旅難重別悽悽滿心曾遇勝悲獨遊

貪竒悵孤逢禽尚彼何人胡為束樊籠吾師度門教授弁躡遐蹤

去夏踈雨餘同倚朱欄語當時樓下水今日到何處恨如春草多

事與孤鴻去楚岸柳何窮別愁紛若絮

魏州從事寄耿拾遺

姚合

小在兵馬閒長還繫戎職雞飛不得遠豈要生羽翼二年城中遊

與君最相識應知我衷腸不苟念衣食主人樹勳名欲滅天下賊

愚雖乏嚮願陳一夫力人生須氣健飢凍縛不得甦當一席寬覺

乃千里窄古人不懼死所懼死無益至交不可合一合難離坼君

嘗相勸勉苦語毒曾憶百年心知聞誰限河南北

去年燕巢主人屋今年花發路傍枝年年為客不到舍舊國存亡

洪州客舍寄柳博士芳 薛業



那得知胡塵一起天下亂何處春風無別離

子昔忝省閣與岳州張使君潭州王都督同官聯事後  
承朝議各自東西張公與王都督別詩二首情頗殷切  
予覽以歎因遙申和云  
韋嗣立

茂先王佐才作牧楚江隈登樓正欲賦復遇仲宣來黃鵠飛將遠  
雕龍文為開寧知昔聯事聽曲有餘哀

昔時陪二賢纓冕會神仙一去馳江海相逢共播遷無因千里駕  
忽覩四愁篇覽諷歎何已歎終徒愴然

留別武陵袁丞

王昌齡

皇恩暫遷謫待罪逢知已從此武陵谿孤舟二十里桃花遺古岸  
金澗流春水誰識馬將軍忠貞抱生死

舟行懷閻士和

釋皎然

二月湖南春草遍橫山渡口花如霰相思一自在孤舟空見歸雲  
三兩片

秋山寄陳謙言

王昌齡

巖間寒事早衆山木已黃北風何蕭蕭茲夕露為霜感激不能寐  
中宵時慨慷黃蟲初悲鳴玄鳥去我梁獨卧時易晚離羣情更傷  
思君若不及鴻鴈今南翔

海上寄蕭五

獨孤及

朔風翦寒草寒露日夜結行行屆瀛壖歸思生暮節驛樓見萬里  
延首望遼碣遠海入大荒平蕪際窮髮舊國在夢想故人且胡越  
契闊阻風期荏苒成雨別海西望京口兩地各天末索居動經秋  
載笑知曷月日窮南望盡唯見飛鳥滅音塵未易得何以慰飢渴

懷鄭洎

孟遲

風蘭舞幽香雨葉墮寒滴美人來不來前山看向夕

村山禪居寄東谿吳處士

釋皎然

青雲何潤澤下有賢人隱路入菱湖深跡與黃鶴近野風吹白芷  
山月搖清軫詩祖吳叔庠到君才不盡身當青山秀嶠下靜惟脩



吳均故宅後文體多野聲澄徹湘水碧沈寥楚天清時人格不同  
改爲吳均宅後文體多野聲澄徹湘水碧沈寥楚天清時人格不同  
至今罕知名昔賢敦師友此道獨君行既得廬霍趣乃高雷遠情  
別時春風多掃盡雪山雪爲君中夜起孤坐石上月悠然遺塵想  
邈矣達性說故人不在茲幽桂惜未結

宿吉祥寺寄廬山隱者

楊衡

風鳴雲外鐘鶴宿千年松相思杳不見月出山重重

春夢

岑參

洞房昨夜春風起遙憶美人湘江水枕上片時春夢中行盡江南  
數千里

贈遠

陸龜蒙

茱萸匣中鏡欲照心還懶本是細腰人別來羅帶緩從君出門後  
不奏雲和管妾思冷如簧時時望君暖心期夢中見路未魂夢短  
怨坐泣西風秋窸月華滿

河梁別

馬戴

河梁送別者行哭半非親此地足征戰胡天多殺人金罍照離席  
寶瑟凝殘春

有所思

盧仝

當時我醉美人家美人顏色嬌如花今日美人棄我去青樓珠箔  
天之涯娟娟常娥月三五盈又缺翠眉蟬鬢生別離一望一見心  
斷絕心斷絕幾千里夢中醉卧巫山雲覺來淚滴湘江水湘江兩  
岸花木深美人不見愁人心含愁更奏綠綺琴調高弦絕無知音  
美人兮美人不知爲暮雨兮爲朝雲相思一夜梅花發忽到窻前  
疑是君

寄遠

李白

美人在時花滿堂美人去後空餘牀牀中繡被卷不寢至今三載  
聞餘香香亦竟不滅人亦竟不來相思黃葉落白露濕青苔

寄遠

賈島

別腸多鬱紆豈能肥肌膚始知相結密不及相結踈踈別恨應少



密離恨難祛門前南流水中有北飛魚飛向北海可以寄遠書  
不惜寄遠書故人今在無況此數尺身阻彼萬里途自非日月光  
難以知子軀

怨情

李白

新人如花雖可寵故人似玉猶來重花性飄揚不自持玉心皎潔  
終不移故人昔新今尚故還見新人有故時請看陳后黃金屋寂  
寂珠簾生網絲

生別離

白居易

食蘗不易食梅難蘗能苦兮梅能酸未如生別之爲難苦在心兮  
酸在肝晨雞載鳴殘月沒征馬重嘶行人出迴看骨肉哭一聲梅  
酸蘗苦甘如蜜黃河水白黃雲秋行人河邊相對愁天寒野曠何  
處宿棠梨葉戰風颼颼生離別憂從中來無斷絕憂積心勞血氣  
衰末年三十生白髮

別離

陸龜蒙

丈夫非無淚不灑離別閒杖劍對樽酒恥爲游子顏蝮蛇一螫手  
壯士疾解腕所思在功名離別何足歎

雜怨

張籍

切切重切切秋風桂枝折人當少年嫁我當少年別念君非征行  
年年長遠途妾身甘獨歿高堂有舅姑山川豈遙遠行人自不返

春愁

韓琮

金烏長飛玉兔走青鬢長青古無有秦娥十六語如弦未解貪花  
惜楊柳吳魚嶺鴈無消息水盼蘭情別來久勸君年少莫遊春暖  
風遲日濃如酒

和贈遠

獨孤及

憶得去年春風至中庭桃李映瓊牕美人挾瑟對芳樹玉顏亭亭  
與花雙今年新花如舊時去年美人不在茲借問離居恨深淺祇  
應獨有庭花知

傷歌行

張籍



黃門詔下促收捕京兆尹繫御史府出門無復部曲隨親戚相逢  
不容語辭成謫尉南海州受命不得須臾留身著青衫騎惡馬東  
門之東無送者郵夫防吏急喧驅往往驚墮馬蹄下長安里中荒  
大宅東門已除十二戟高堂舞榭鏤管弦美人遙望西南天

遷謫江表久未歸

竇叅

一自經放逐徘徊無所從便爲出山雲不隨飛去龍名豈不欲保  
歸豈不欲早苟無三月資難適千里道離心與羈思終日常草草  
人生年幾齊憂苦則先老誰能假羽翼使我暢懷抱

失志夜坐思歸楚江

孟郊

夜學曉未休苦吟神鬼愁如何不自閑心與身爲離死辱片時痛  
生辱長年羞青桂無直枝碧江思舊遊

失意歸吳寄劉侍郎

自念西上身忽隨東歸風長安日下影又落江湖中離婁豈不明  
子野豈不聰至寶非眼別至音非耳通因緘俗外辭遠寄高天鴻

荅李昌期

楊洵美

三山載羣仙峩峩鹹浪中霞衣翦不得此路安可從我生亦何事  
出門如飛蓬白日又黃昏所悲瑤草空蟲聲故鄉夢枕上禾黍風  
吾道如未喪天運何時通

莫相疑行

杜甫

男兒生無所成頭皓白牙齒欲落真可惜憶獻三賦蓬萊宮自怪  
一日聲烜赫集賢學士如堵墻觀我落筆中書堂往時文彩動人  
王今日飢寒趨路傍晚將末節契年少當面論心背面笑寄謝悠  
悠世上兒莫爭好惡莫相疑

王夫子

白居易

王夫子送君爲一尉東南三千五百里道途雖遠位雖卑月俸猶  
堪活妻子男兒口讀古人書束帶斂手來從仕近將徇祿給一家  
遠則行道佐時理行道佐時須待命委身下位無爲恥命苟未來  
且求食官無高卑及遠邇男子上旣未能濟天下下又不至飢寒



死吾觀九品至一品其間氣味都相似紫綬朱衣青布衫顏色不同而已矣王夫子別有一事欲勸君遇酒逢花且歡喜

孟先生詩

韓愈

孟生江海士古貌又古心嘗讀古人書謂言古猶今作詩三百首  
宵默咸池音騎驢到京國欲和薰風琴豈識天子居九重鬱沈沈  
一門百夫守無籍不可尋晶光蕩相射旗戟翩以森遷延乍卻走  
驚怪靡自任舉頭看白日泣涕下沾襟竭來遊公卿莫肯低華簪  
諒非軒冕族應對多差參萍蓬風波急桑榆日月侵奈何從進士  
此路轉嶇嶇欽異質忌處羣孤芳難寄林誰憐松桂性競愛桃李陰  
朝悲辭樹葉夕感歸巢禽顧我多慷慨窮簷時見臨清宵靜相對  
髮白恥苦吟採蘭赴幽念眇然望東南秦吳脩且阻兩地無數金  
我論徐方牧好古天下欽竹實鳳所食德馨神所歆求觀衆立小  
必上泰山岑求觀衆流細必泛滄溟深子其聽我言可以當所箴  
既獲則思返無爲久滯滯下和試三獻期子在秋碁

徐十八晦落第

歐陽詹

嘉穀不夏熟大器當晚成徐生異凡鳥安得非時鳴汲汲有攸爲  
驅驅無本情懿哉蒼梧鳳終見排雲征

溫泉莊卧病寄楊七炯

宋之問

多病卧茲嶺寒寒倦幽獨賴有嵩丘山高枕長在日茲山棲靈異  
朝夜翳雲族是日濛雨晴返景入巖谷羃羃綠澗草菁菁山下木  
此意方無窮環顧悵林麓伊洛何悠漫洲源信重複夏餘鳥獸蕃  
秋末禾黍熟乘願守樊圃歸閑欣藝牧惜無載酒人徒把涼泉掬

夏中訓于述畢耀問病見贈

獨孤及

救物智所昧學仙願未從行藏兩乖角蹭蹬風波中淪跡未摠念  
卧病非養蒙閉關涉兩旬羈思浩無窮鸞鷲何處來雙舞下碧空  
離別隔雲雨惠然此相逢把手賀疾間舉杯欣酒濃新詩見久要  
清論激深衷高館舒夏簟開門延微風火雲赫差我日暮千萬峯  
遥指故山笑相看撫號鐘聲和由心親事感知氣同出處未易料



且歌緩愁容願君崇明德歲暮如青松

秋園卧疾呈暉上人

陳子昂

幽寂曠日遙林園轉清密疲痾澹無豫獨坐泛瑤瑟懷挾萬古情  
憂虞百年疾絲絲多滯念忽忽每如失緬想赤松遊高尋紫庭逸  
勞悵始都喪幽人遂貞吉圖書紛滿牀山水藹盈室宿昔心所尚  
平生自茲畢願言誰見知梵筵有同術八月高秋晚涼風正蕭瑟  
宋侯鳴臯夢趙六予未及報而陳子云云今追為此詩

荅宋主簿兼貽平昔遊舊

盧藏用

暮川罕停波朝雲無留色故人琴與詩可存不可識識心尚可親  
琴詩非故人鳴半初夢趙蜀國已悲陳感化傷淪滅蒐交昔未申  
冥期失幽報玄理復今晨前嗟成後泣已矣將何及舊感與新悲  
虛懷疇昔持趙侯鴻寶氣獨負青雲姿羣有含妙識衆象懸清機  
雄談盡物變精義解人頤在陰旣獨善幽躍自爲疑踈彼千里足  
傷哉一尉改陳生富清理卓犖兼文史思滯巫山雲調逸岷江水

鏗鏘哀忠義感激懷知己負劔登薊門孤遊入燕市浩歌去京國  
歸守西山趾幽居探元化立言見千祀埋沒經濟情良圖竟云已  
坐憶平生遊十載懷嵩丘題書滿古壁採藥遍巖幽子微化金鼎  
僊筌不可求榮哉宋與陸名宦美中州存亡一睽阻歧路方悠悠  
自余事山海及茲人世改傳聞當世榮皆是古人名無復平原賦  
空餘隣笛聲泣對西州使悲訪北印塋新墳蔓宿草舊闕毀殘銘  
爲君成此曲因言寄友生默語無窮事凋傷共此情

對酒憶賀監二首 并序

李白

太子賓客賀監於長安一見呼予爲謫仙人因解金龜換酒爲樂  
沒後對酒悵然有懷而作是詩  
四明有狂客風流賀季真長安一相見呼我謫仙人昔好杯中物  
今爲松下塵金龜換酒處却憶淚沾巾  
狂客歸四明山陰道士迎勅賜鏡湖水爲君臺沼榮人亡餘故宅  
空有荷花生念此杳如夢悽然傷我情



重憶一首

欲向江東去定將誰舉杯稽山無賀老却悼酒船迴

哭玄英方干先生

孫郈

斗牛文星落知是先生死湖上聞哭聲門前見彈指官無一寸祿  
名傳千萬里死著紙衣裳生誰念朱紫我心痛其語淚落不能已  
猶喜韋補闕揚名獻天子

弔王將軍墓

常建

嫖姚北伐時深入強千里戰餘落日黃軍敗鼓聲死常聞漢飛將  
可奪單于壘今與山鬼隣殘兵哭遼水

國殤

孟郊

徒言人最靈白刃亂縱橫誰言當春死不及羣草生堯舜宰乾坤  
器農不器兵秦漢盜山岳鑄殺不鑄耕天地莫生金生金人起爭

重校正唐文粹卷第十五之下



